




Ex Bibliotheca
majori Coll. Rom.
Societ. Jesu





IMAGO
PRINCIPUM
BOHEMIÆ
LXI. ELOGIIS
DUCUM,
REGUM,
INTERREGUM,



ADUMBRATA,



In novum Patriæ splendorem,
& publicum Regni decus,
spectatum proposita

Bibliotheca AB *Sciv. Coll. Rom.*

ILLUSTRISSIMO DOMINO,
DOMINO

loci MICHAELE FRANCISCO
FERDINANDO

S.R.I. COMITE AB ALTHANN:

CUM

In antiquissima & celeberrima Uni-
versitate Carolo - Ferdinanda Pra-
genſi

PRÆSIDE

REVERENDO AC DOCTISSIMO

P. JOANNE
HABELIO

è SOCIETATE JESU,

AA. LL. & PHILOSOPHIÆ DOCTORE,

Ejuſdémque in eadem Universitate Professore
Ordinario,

Pro prima Philosophia Laurea

PHILOSOPHIÆ RATIONALIS
ASSERTIONES

propugnaret

IN AULA CAROLINA

Anno à partu Virginis M. DC. LXXIII.

Mense

Die

31032 TOLLE 31037

IN CLYTA BOHEMIA

ET IN IMAGINE TYPO ADUMBRATA

LEGE ITERUM LINEAMENTA,



QUÆ VIVIS FACTORUM EXPRESSA COLORIBUS

IN PRINCIPIBUS TUIS ALIQUANDO SPECTASTE

IMAGO SEXAGINTA ELEGANTIARUM

SEXAGINTA PLURES EXHIBET PRINCIPES.

SI QUORUM LINEAMENTA, BELLICA TUORUM CLADE,

CRUENTA SUNT:

GAUDE; ALIORUM VIRTUTE INDUCTAM CANDIDÆ

PACIS FELICITATEM.

SI QUORUM NOMINA NIGER NOTAVIT CALCULUS:

VIDE, AD UMBRÆ PRÆSENTIAM ALTIUS EMERGERE

LUCIS GRATIAM.

NOLI VERERI PAUCORUM, QUAS CERNES,

NEBULAS:

PRIDEM HAS ALII SERENISSIMI SOLES DISSIPARUNT:

SCRUTARE NUNC TUA SINE DOLORE VULNERA,

ET MANUM MEDICAM OSCULARE.

SPECTA, UT POTES, SINE HORRORE RUINAS,

ET POSTQUAM ERECTA CONSISTIS, LETARE.

NULLAM POSTHAC VEREARE TEMPESTATEM,

QUÆ

CONSILIO ET INDUSTRIA

SAPIENTISSIME GUBERNARIS.

TOL-

TOLLE, TERRA REGIA,
ET IN COMPENDIO LEGE
TUA ORNAMENTA, ET QUAE ETIAM NUM FLORES FELICITATE,

AB

AUSTRIACA TIBI DOMO
CONSERVARI.

QUANTA DOMUS,

CVI REGNORVM INNITITVR FELICITAS!

SUPERI! SERVATE HUIC DOMUI
BOHEMIAM,

HANC DOMUM BOHEMIÆ;
STANTE HAC DOMO STABIT
REGNUM.

SIC OPTO, SIC VOVEO,

MICHAEL
FRANCISCUS FERDINANDUS:
S. R. I. COMES AB ALTHANN.



CZECHUS
BOEMORUM DUX I.

G. De Graaf, f

B



CZECHUS

BOEMORUM DUX I.

Hunc Patrem, Hunc generis venerare Boëmia fontem;
Fluxit ab Hoc magni Sangvinis altus honor.
Hic nec in admissa causam quàm dicere iniquo
Judice, ab antiquo maluit ire lare.
Ergo tuis exul, sæcunda Croatia, ab oris
Venit ad Hercinijs subdita prata jugis.
Hic stetit. Eximij qua virtus exulis esset,
Discite. in Exilio condidit Imperium.

Boëmorum Principatum Czechus Croata fundavit. Is nobili apud suos loco natus, homicidij reus dicere causam jussus maluit Patriam carere, quàm adversariorum factione, ac vi, iniquo judicio opprimi. Ergo voluntarius exul cum Lecho Fratre, alijsque sanguine, aut amore junctis, Croatia excedens in eam, quam Hercinia silva suo ambitu coronat, ac munit regionem, incolis ea tempestate ferè vacuam, reparatæ Salutis Anno d. c. xxxix. Id. Julij devenit. Facta in suos fertilissimi agri divisione, Boëmæ Gentis author fuit, regnavitque primus. Indulgentiâ nova Regna eriguntur, quâ antiqua corruunt. Svavi novæ gentis moderatione brevî perfecit Czechus, ut, confluentibus undiq; in novam Provinciam incolis, Boëmia vix nata novo Polonorum Regno fundando sufficeret. Le-

chus Fraternalis virtutis æmulatione excitatus, Czecho annuente, ex Boëmia trans montes, Aquilonem versus coloniam duxit, maximæ olim gentis initium. Præstantissimorum Fratrum par virtus à consuetudo scelere humanitatem liberavit: Effecit, ut in mutuum Fratres decus conspirarent, nec alter per alterius cædem iret ad Solium. Beatius quiddam vidit Boëmia, quàm Roma. A duobus Fratribus fundata, alterius sanguine non est cruentata, ut unus imperreret. Crescebat in dies Boëmæ reidignitas, cum Czechus ætate jam gravi vivere desijt, nulla relicta Prole. Vir novi populi, ac Principatus auctor luctum facilè à suis impetravit, qui carissimi capitis desiderium testaretur. Illud illustrius, & diuturnius popularis amoris in Principem documentum: ad Authoris sui memoriam ab omni temporum injuria vindicandam in hanc usque diem Boëmi sese Czechios nominant, & nomini gloriam inesse arbitrantur.







CROCCUS

BOEMORUM DUX II.

T*E* sceptro donat Virtus ; non sanguis in aulam ,
Præcipitis vulgi non levis aura vehit.
Auspicijs accede bonis. Te Principe Regnum
Crescet, & in mores discet abire tuos.
Anne vides? Aurum jam lympba Boëmica voluit :
Illam monet, quæ te Principe secula fluent.

CZecho in Principatu Croccum Virtutis suffragium veriùs : quàm hominum voluntas substituit. Extincto Gentis authore Democratiâ placuit Boëmis instituere. Sed frequentibus seditionibus discerpi Rempub: cùm vidissent, didicerunt tenerum Regnum ex unius ingenio vivere debere, ut feliciter adolescat. Poterant hoc à natura didicisse, quæ rarò voluit diuturnam esse homini vitam, cui puero contigit diverso plurium sæminarum lacte nutrirî. Ergo cùm uni Respub. committenda videretur, longæ consultationis de eligendo Principe moras Crocci inclita virtus abruptit. Prudenti futurorum prævidendorum solertiâ apud rudem ea tempestate Populum affecutus fuerat Croccus, ut divino afflatus Numine crederetur. Ea constitutus apud suos in opinione nihil non tentavit feliciter. Moribus primùm formavit, novis deinde extructis Oppidis, atque arcibus Principatum

LIBRARY
OF THE
MUSEUM OF NATURAL HISTORY

LIBUSSA

BOEMORUM DUX III.

H*Eu qua tempestas navim diverberat ? Ira
 Libussam puppi pellere caca parat ?
 Desine plura furor. Non vir, non femina : Virtus
 Ipsa est, quam Regni flectere frana decet.
 Fæmine! Huic nomen quisquam objicit ? Inclyta Virtus
 Adsit : Regno aptum fæmina nomen habet.*

HÆc animi robore sexus infirmitatem abundè
 compensavit. Principatum divinandi arte
 adepta, prudentiâ retinuit. Unum hoc in ad-
 ministranda Repub: Principi difficillimum: Paupe-
 rum jura contra potentiores tueri; Hos enim vin-
 dicata miserorum injuria armat in Principem. E
 Primoribus aliquis ab homine calamitoso ad Libus-
 sæ tribunal vocatus, æquissimâ sententiâ, causâ ce-
 cidit. Hinc orta tempestas gubernaculum vigi-
 lantissimæ Heroïnæ tentavit eripere. Factiosi ho-
 minis insaniâ commoti Nobiles Solio Libussam de-
 turbare decreverant. Iniquissimo facinori hone-
 stus præfigebatur titulus, fæminæ nomen, quod
 Principis Majestatem non caperet. Virorum co-
 natum mulieris ingenium elusit. Unum seditio-
 sis dedit: Virum in Regni partem recepit, sed
 quem ipsa elegit; & ab agro ad thorum, ab aratro
 ad sceptrum accersivit. Primislaus is fuit, cui co-

ronam Libussa cùm dedit, nescio an major fuerit,
quàm cùm sibi ipsi impetravit. Fortè plus est Im-
perium dare; quàm accipere. Pacatis Nobilium
animis iussit Primislaum solo Principis nomine con-
tentum esse, dum ipsa viveret, & liberaliùs in Rei-
pub: bonum deinceps incubuit. Novam Urbem
ad Moldavam, augustissimum pulcherrimi Regni
caput, ædificavit, dixitq; Pragam. Civitate abso-
lutâ Civium discrimina, & ordines condidit, ex-
clusâ à publicis honoribus plebe. Meritò nobilita-
tem à plebe secernunt etiam honores, cùm illam
ab hac virtutis potiùs splendor, quàm antiquitatis
tenebræ discriminant. Repub: constituta præstan-
tissima Mulier obiit Libi, in arce à se ædificata. Ex-
cedens reliquit exemplum, cujus imitatione &
aliæ in Boëmia Mulieres crederent ab se quoq; posse
cum laude Principatum obtineri. Sæpe majora
nobis, quàm possumus, dulci fraude pollicemur, &
delideriorum vastitate virium terminos
excedimus.







1875

23

PRIMISLAUS I.

BOEMORUM DUX IV.

EX agro ad solium rapitur; nè despice. Roma
 Sic Cincinnatos arva dedere Duces.
 Nec minor Huic virtus; seu prisca modestia morum;
 Seu placeat cordis fortis in arma vigor.
 Fortunam reverenter habet, peregrinus in ostro
 Nontumet, & patitur, sorte favente, modum.
 Non alius Regno melior; qui flectere se se
 Noverit, hunc Regem jure vocare potes.

IN agro cum aratro degebat Primislaus, cum missis à Libussa legatis, quibus ad Principatum vocabatur, sinè cunctatione assensus est. Nemo se Regno indignum putat. Accusat naturam aliquis, quòd ingenium navi regendæ idoneum negaverit: quòd parem regendis hominibus animum non dederit, nemo conqueritur. Regnandi cupido docuit nos naturæ adulari. Eâ vultus animiq; constantiâ ad solium ivit Primislaus, quâ nemo Paternam hæreditatem adivit. Illud præstantissimi hominis facinus prætereire non licet. Cum vestem novus Dux mutaret, jussit vimineos, quibus ad eam diem usus fuerat, calceos religiosè asservari; frenum sibi, ut fortunam reverenter haberet; documentum successoribus, nè superbirent in solio, quod post agricolam occuparent. Hoc Duce primum

primum à Boëmis gestum est bellum, & quidem
intestinum, ut in suo discerent nocere. Vlasta in
Libussæ gynæceo educata, Herâ extinctâ, penes
mulieres Principatum retinere armis conata est.
Ergo lectissimas Matronas, Virginésque ex prima
nobilitate audacissimas, novas Amazonas, armat
in viros, ipsa, Oritiâ, aut Hippolyte fortior, ducit
exercitum, & quâ justis prælijs victâ, quâ fraudi-
bus oppressâ Boëma juventute, Puellis Boëmiâ
vectigalem facit. Dissimulavit hæc diu Primi-
slaus, importunâ, quâ tenebatur superstitione :
quasi expectanda, non prævenienda esset dies, quam
tollendo Puellarum Imperio fata præscripsissent.
Septimum agebant in injuria annum Amazonas,
cùm vindictam vel pudor, vel fata Primislao svas-
erunt. Dolo primum, deinde aperto Marte in Puel-
lares cohortes inVectus ad unam omnes internecio-
ne delevit. Confecto bello, ferrôq; jam minùs
necessario, argentifodinæ sunt apertæ. Primislaus
defensum ferro Principatum argento
exornavit.







NEZAMISLIUS

BOEMORUM DUX V.

O Patri absimilem Prolem ! Hunc nec bellica Laurus
 Ornat, nec placidum Pacis, Oliva, decus,
 Otia mollis amat : Fortune hoc munere latus,
 Quòd vacuum curis pectus habere licet.
 In nunc, & jacta Patres, Atavosque : Nepotis
 Non venit ad censum mens generosa Patrum

Primislao ex Libussa tres fuere filij. Duos immaturum abstulit funus : tertius Patri superstes Rem Bohemā quintus administravit. Gloriosius quàm verius dictum est, Fortibus gigni tantum fortes. Virtus hæreditaria non est, nec Parentum favore transfertur in filios. Naturam non accuso, sed non raro deficit in filio, cum excessit in Patre. Primislaus, ingenio acri, & vegeto, planè stupidum reliquit filium Nezamislium. Principis insignia vix induerat, & in illum Curimensis Dynasta, de Principatu certaturus, arma movit. Nullam videbatur pacis conditionem non admissura Ducis inertia, cum illatam legitimo Principi injuriam Bohemi Proceres non ferentes, ultro opem, ac arma fluctuanti Principi obtulerunt. Ad Styrhovium commissum est prælium. Victoria stetit à Nezamislij milite, ipso Curimensi capto; quem Princeps non passus in conspectum venire,

certaminis Duci pro arbitrio tradit puniendum.
Ille naso, atque auribus imminutum, miserum
exemplum, vivere coëgit. Hæc belli fortuna
Nezamislj mollitiem fovit. Armorum timore
solutus solvit mores, ac voluptatibus liberius in-
dulsit. Non semper populi studia sequuntur Prin-
cipis ingenium. Voluptuosum Nezamisljotium
negotiosa populi quies damnavit. Pars Silvas in
agros instruere: pars arces, ac oppida condere:
Provinciam Pacis operibus omnes excolere. Bo-
hemia ipsa sibi satîs est. Suo dives, unius salis be-
neficium alienis Regionibus debet. Nezamisljo
tamen regnante ad Slanam falsi fontes, nec ante,
nec post illum Ducem Bohemis cogniti eruperunt.
Res in naturæ laudem falsè est à plebe traducta.
Insulsum Principem cùm dedisset, da-
mnum falso fonte voluisse
compensare.







M N A T A

BOEMORUM DUX VI.

Tunc Urbes, aulamque fugis? Te lustra, feraque,
 Et canis, & nemori retia sparsa, trahunt?
 Ingenium, luci natum; quid perdis in umbris?
 Linque, viros natum flectere, linque ferat.
 Nos miseros; quibus est natura dona voluptas.
 Perdere, praque viris quibus placere fera.

Liberalior in Mnata natura fuit, quam in Ne-
 zamislium Parentem: Ingenium Imperij ca-
 pacissimum homini dedit; sed ille maluit
 naturae beneficium perdere, quam excolere. Prin-
 cipatum vix adeptus Wissegradensi arci, totique
 Provinciae, supremam cum authoritate, Versovi-
 centem Dynastam praefecit. Ipse, in suburbanam
 villam secedens, integrum triennium ferarum
 venatione transegit. Cetera omnia segnius irritant
 Civium animos, quam privatae Regis voluptates,
 publica commoda invertentes. Diuturnum Mna-
 tae secessum ægrius primum ferre, deinde carpere
 populus coepit. Pauperum causas negligi: homi-
 nes ab Mnata feris posthaberi. Populari seditio-
 ni semper inter Primores paratum habet Ducem
 ambitio. Versovicensis, cui jam secundus sorde-
 bat in Regno locus, occasione data, pergit tactos
 exulcerare animos: Mnatae inertiam accusat: lon-
 ge ali-

gè aliam futuram Regni faciem, si ipse in Principem placeat, pollicetur. Scelus à Præfecto, cum Ducis cæde, parabatur. Sed ille, opportunè à suis monitus, arcem improvisus intrat: Versovicensem vocat: dolum, ac perjurium arguit: damnat: vel carnificis, vel propriâ manu perduellem jubet occumbere. Versovicensis & sceleris conscientia, & Ducis reverentiâ victus, stricto gladio, in semet carnificis officium occupavit. Mnata, defunctus periculo, Proceribus diligentior se in administranda deinceps Repub.; nec facile ab futurum ab urbe pollicetur. Quæ metus extorquet, diuturna non sunt. Ubi præteriti discriminis timor resedit, iterum ad venationes secessum est, libuitque iterum fortunam irritare. Adversus experimenta audaces sumus. Bella victi, naufragi maria repetimus. In eo secessu, pestifera lue Mnata correptus extinguitur.







PROCEDES
VERBALES DE

17

VOGENUS

BOEMORUM DUX VII.

Vix teneros superas annos, & praelia tractas;
Patris & in solium stricta per arma venis.
Regna tibi invadit Tutor. Quae Regna periculis
Tutarear, Tutor si quoque Regna rapit?
Sed nè cede malis. Sceptrum ferro assere. Regni
Auspicia hæc fuerint optima. Perde malos.

VOgenus Mnatâ genitus post Parentem regnat. Puer in tutela Rohovitij Versovicensis relictus, tantum à Tutore Principatu non est exutus. Diutius, quam publicum bonum pateretur, dum adolescit pupillus, Bohemiam rexe- rat Rohovitijs, & tamen adulto jam Principi solium denegabat. Ultra sua vota cupiditas humana ex- currit. Cujus olim impudens fuerat votum, Re- gnum pro alio administrare, hic jam sibi Regnum vindicabat. Itum est ad arma; & Vogenus ipse sua manu à perduelli pœnas exegisset, nisi Bohemi Pro- ceres, à prælio adolescentem retrahentes, ad majo- ra tantam indolem reservandam censuissent. Ubi Principis copias vidit, recessit cum suis in oppidum naturâ atque arte munitum Rohovitijs. Sed, longa attritus obsidione, eruptione dum parat, ho- stiles manus incurrit, suique Principis in conspe- ctum adductus, unum precatus est; nè carnificis

manu periret. Miserum ambitionis votum. Cùm
turpiter vixisse non pudeat, pudet inhonesta morte
scelerum pœnas luere. Imperatum est publica ex
arbore suspendium, ad quod ipse sibi laqueum inij-
ceret. Res domi composita, cœpit foris turbari.
Hinc Misnij, illinc Moravi Bohemiam aggrediun-
tur. Illos educto exercitu ad Albim prælio profligat
Vogenus: Hos in Moraviam usque Victor insequitur:
Lynciam & Butoviam Moravorum arces munitissimas diripit, ac incendit. Subinde pace
domi, forisque parta, cùm crescenti Civium
multitudini impar Praga videretur, Pomœrium
Princeps profert, novôq; muro, ac fossâ Urbem
præcingit. Vogenum immortalitate dignissimum
omnes prædicabant, cùm Reipub: strenuè consulentem
acerba mors oppressit. Invidenda Mors est,
cùm ex laudum culmine rapit, nec locum relinquit
casui, quem humana inconstantia semper minatur.





U N E S' L A U S
BOEMORUM DUX VIII.

scut. del.

G. De Graaf. f.

E 3

UNE-



UNESLAUS

BOEMORUM DUX VIII.

Virtutis monumentum ingens, sine fratre Paterni
Noluit hic sceptri solus habere decus.
Ergo jubet fratrem solio consistere eodem:
Atque pari, Regno subdere frana, manu.
Quid non praestat amor? si sit concordia morum,
Regni etiam sedes excipit una duos.

Hunc humanitas, & clementia sibi effinxe-
 rant. Bohemiam à Parente hæres cùm ac-
 cepisset, in administrationis partem Vratisla-
 um Fratrem accersivit, noluitque solus regnare,
 cùm posset. Verus amor angustias non habet: &
 amor si velit, etiam Regnum capit duos. Tanta
 Fratrum concordia docuit cives à Principe non dis-
 sentire. Vix unquam Bohemorum voluntates
 cum Principis studiis sic conspirârunt; cùm quem-
 que ab eo puderet discrepare, cui potior fuerat fra-
 terna concordia, quàm suprema etiam in fra-
 trem authoritas. Hoc Duce illatum Bohemis à
 Carolo Magno bellum refertur, victisque tri-
 butum indictum, à quo Bohemos Otho primus
 Cæsar absolvit. Eodem regnante, integros duos
 menses, rapidissimi turbines Bohemiam exagitâ-
 runt: Agros prostrata segete, silvas evulsis arbori-
 bus, urbes ædificijs dejectis funestârunt. Accessit
 mise-

miseriæ cumulus, ex molarum ruina, panis penuria. Pijssimus Dux subditorum populorum damna non gravius tulit, quam sublevavit liberalius. Molæ ex ærario restitutæ: civibus, ex eodem datâ pecuniâ, pro damni modo subventum est. Itaq; Civium calamitas versa est in gloriam Principis. Subinde, quod prodigij loco haberi possit, sequutum est. Ducis in populum beneficia in similem laudem naturam provocârunt. Auri novæ fodi-næ illuxerunt: Annonæ vilitas tanta secuta est, ut frumento emptores deessent in Bohemia. Externis uno, & altero obolo tantum tritici datum est, quantum equus non ferret. Vivere optimus Dux desijt, cùm æternum illum cives optarent.

Demortui desiderium auxit improbitas
successoris.





THE UNIVERSITY OF
CHICAGO PRESS

CREVOMISLIUS


BOEMORUM DUX IX.

Hunc ira, Hunc feritas, Hunc inclementia morum,
Hunc auri turpem caca libido notat.
Latatur Populi damnis; Gentisque ruinâ
Crescere divitias Principis, asper amat.
O vanas hominum mentes! qualucra? cruentum,
Si premit, & lacerat subdita membra caput.

Crevomislius, à paterna Uneslai virtute degener clementiam, Regum decus, proscripsit ex aula. Iræ, quâ nulla pestis humano generi pluris stetit, in Regni administratione tantum tribuit, quantum dedisse ipsummet puderet, cum impetus resedisset. Pronus in scelera censorem non tulit, maluitque cæcus ruere, quàm à quopiam de ruina moneri. Annonæ caritas summa vexabat Bohemiam. Culpam nemo non conferebat in Ducem, cujus insana auri argenti que cupido magnam agrestium turbam, ab agrorum culturâ ad metalla eruenda, traduxerat. Unus Horimiri-
 us inventus est, qui æquissimas populi querelas deferret ad Principem. Sub impio Principe pietas non exercetur impunè. Illico à Duce immissa est fossorum manus, qui Horimirij horrea incenderent. Nec stetit scelus. Eodem jubente Principe, suas fossiores incendunt officinas, & incendij reum Ho-

rimirium constituunt. Iussus causam dicere, iudicum omnium suffragijs absolutus, unius Crevomislj calculo damnatus est. Nemo alium difficilius absolvit, quàm qui sæpius meruit damnavi. Quæ sequuntur, nescio, antiquitatísne commenta sint, an Magices, immundorum spirituum commercio inauspicatæ, præstigiæ? Ferunt Horimirium tam iniquâ sententiâ damnatum, ab equo, quem moriturus, ultimùm ut ascendere liceret, impetraverat, neci subtractum fuisse. Ille enimvero Vilssegradensi ex arce, correpto per aërem saltu, trans Moldavam, in ripa arci opposita insidentem Horimirium, metu immunem, constituit. Addunt, antequam hæc fierent, ab equo monitum equitem, ut firmus casum caveret. Innocentia, etiam in suppliciorum turpitudine decora, fabulis non indiget, aut præstigijs, quibus à pœnarum iniquitate eximatur.







NECLANUS

BOEMORUM DUX X.

A*T* tibi cor nimium trepidat, celsaque potentis
 Est animus Regis conditione minor.
Hinc te nemo timet, nec quisquam diligit: audent
Hinc Proceres segni bella movere Duci.
Sume animos. Qui multa timet, populumq; veretur,
Hic cives tantum non jubet esse malos.

Huic animus infra Regiam celsitudinem dejectus fuit. Dum timet omnes, effecit, ut à nemine timeretur. Professa Ducis ignavia primum omnium Vratislaum Patruum, Lusatiæ Principem, ad arma excitavit. Pavidis consilia in incerto sunt. Diu hæsit Neclanus, donec sensit, aut Principem fortem esse oportere, aut uti fortibus. Syderium habuit in aula virum rei bellicæ peritissimum, ipsique Duci tam corpore similem, quàm dissimilem animo. Hunc Ducis armis, ac insignibus clam indutum, & Principem agere, & belli munera obire jubet. Commissum in campo Thursco prælium, Vratislao à Syderio confosso perfectum est. Subinde Crasnitius, Curimensis Dynasta, Moravorum auxilijs fretus, novum Neclano timorem iniecit. Montanus, nobilis eques, Ducis auctoritatem, Crasnitio occiso servavit. Ultima hæc victoria præmium videri potuit facinoris, quo

quo uno principis dignitatem sustinuit Neclanus. Prælio illo, quo Vratisslaus cecidit, ejus filius septennis captus est. Dux illatam à Parente injuriam oblitus, filium Duringo, Vratisslai perfamiliari, tradidit, pro dignitate educandum. Homo, qui ex scelere præmium quæreret, puerum non ita multò post obtruncat, caputque Neclano inter epulas offert. Immanitate sceleris victus, velut exanimis in mensam concidit Princeps: deindè sibi reditus, ut aleres, inquit, non ut occideres, tradidi. Vilius apud te sanguis regius fuit, quàm spes auri; At mihi vires confirmabas. Pestifera vis est, quæ nocitura, nocendo paratur. Non tanti mihi est Regnum, ut pueri, ut innocentis, ut patruelis sanguine infamis regnare velim. Aut præcipitio, aut laqueo finiatur perfidia, quam tot Vratisslai in te collata beneficia non vicerunt. Non potuit honestiùs timoris maculam Neclanus eluere, quàm turpissimi ficarij sanguine. Ultus est illius necem, à quo olim Paternæ cadis ultore poterat sibi, ac
Regno metuere.







HOSTIVITIUS

BOEMORUM DUX XI.

Hunc vocat in campū Fratris furor improbus. Ardor
 Regnandi Fratres mutua bella docet.
 Sed bene consuluit rebus Deus; ille triumphat,
 Quem victi in Fratris vincere damna piget.
 Discite Magnanimas victoris Principis iras.
 Cum victo proprium dividit Imperium.

Hostivitiſ demortui Parentis ſolium, ingen-
 ti Bohemorum ordinum plauſu conſcendit.
 Amore omnium munitum, unius Croſmilij
 Verſovicenſis odium exagitavit. Croſmilij ex
 ijs erat, qui fortunæ ſuæ indignantur: felicitatem,
 quam à virtute non ſperant, à ſcelere exigunt: Re-
 gna perturbant, vel ut miſeriam evadant, vel nè
 ſoli ſint miſeri. Hic ergo Miſtobogium Hoſtivitiſ
 fratrem, ſpe Principatus obtinendi facta, in Fra-
 trem cœpit impellere. Ad Regna & ſceptra ſua
 ſponte feruntur animi. Peſſimi conſiliarij verbis
 incenſus Miſtobogius fratrem ferro petijt, ut auro
 potiretur. Verùm præliò ab eo victus, & tamen
 in Regni partem acceptus, ſenſit, quàm bono fra-
 tri injuriam feciſſet. Redintegratus inter fratres
 erat amor, cùm Croſmilij, novas turbas moliri
 aggreſſus, Sucolaum, Bilinæ præfectum, in Du-
 cem commovit. Quidam in hoc nati videntur, ut
 G 2 quic-

quiescant ipsi nunquam, quietem alijs semper invideant. Cressi militaris hominis virtute Sucoslâus in prælio captus est, & à militibus, etiam renuente Principe, membratim discerptus. Post hæc, quietâ jam ab intestinis rumoribus Bohemiâ, Mistobogius, sola latius regnandi cupiditate tactus, in Svatoplucum Moravorum Regem, Christianis tunc primùm initiatum sacris, arma convertit. Hostivitus Fraternum scelus ægrè tulit, nihilque non tentavit, ut ab iniquissimis armis fratrem abstereret. Profligatis semel, ac iterum Moravis exultabat Mistobogius, cum illatam Svatoplucio injuriam, ulciscente Numine, à Dæmone suffocatus interijt. Innocentiam rarò aliquis lacessivit impune. Sub id temporis Ivanes, sanctimonix famâ illustis, Bohemiam ingressus deserta Her-
cinix antra illustravit.







BORIVORIUS

BOEMORUM DUX XII.

P*ris cum pone nefas lustrali in fonte: serenam
Cerne diem Princeps: indue mente Deum.
Hactenus in tenebris. In te sed tristis Erinny
Tela jubet cives ferre cruenta tuos.
Te Regno exturbant. Ut scandas sidera, ab ipso
Imperijsolio, Dux, cecidisse bonum est.*

HOc Duce, purissimum Christianæ Religionis
lumen Bohemis illuxit. Ad Svatoplucum,
fœderis confirmandi studio, in Moraviam se
contulerat Borivorius; cùm novam in amico Rege
pietatem miratus, & Methodij, Sanctissimi Anti-
stitis, oratione eruditus, ab idolis ad Christiana sa-
cra confugit. Lustrali fonte expiatus Bohemiam
repetijt, ut in pulcherrimæ Religionis amorem,
subditorum sibi populorum animos alliceret. Non
tam bene cum rebus humanis agitur, ut meliora
pluribus placeant. Bohemi, ob nova suscepta sa-
cra, quem svaviùs amare debuissent, odisse cœpe-
runt acerbè. Quare populari furori Dux optimus
cedere coactus est, & in Moraviam ad Svatoplu-
cum, post facinus præstantissimum exul, se recepit.
Subinde Principis absentia abusi Bohemi à legitimo
Duce Principatum in Stoymirum, Sucoslai Bilinen-
sis olim præfecti, fratrem exulem transferre ausi
sunt.

sunt. Crimen ferro, flammisque dignum videbatur; & verò Svatoplucus arma vindex parabat. Verùm Borivorius maluit à tempore animorum fanitatem expectare, quàm exigere à ferro. Decimo, post Ducis exilium, mense subijt Bohemorum animos pudor. Principis in Bohemiam reditu factum est, ut civium plerique scirent. Ergo Christiana sacra, secundo tandem Numine, Anno DC. C. C. L. XXX. suscepit Bohemia. Nescio quid hoc rei sit? Quoties Numini concilianda fuit Bohemia, gravissimè priùs in Principem peccavit. Ex dæmonum aris, ad Numinis cultum traducenda Borivorium Regno eiecit: Stoymirum alieno solio donavit. Veræ restituenda, post Hæresim, Religioni Ferdinando II. abrogare Regnum, Friderico dare conata est. An ut felicìus adhibeantur remedia, necesse est totam priùs vim morbi effundi, & augeri vulnus expedit aliquando, ut major pateat medicinæ locus? Propè est, ut dixerim: Nunquam salubriùs homines sapere, quàm post errorem. Excitabat Deo templa Borivorius: fundabat eruditiæ Latinis litteris, ad eam diem Bohemiæ incognitis, juventuti gymnasia; cùm factâ per seditiosos quosdam animorum conversione, Plebem novum scelus, odio Religionis veriùs, quàm Regis, meditari præsensit. Ergo, nè novo crimine cives adstringerentur, Dux sponte depositam coronam Spitigneo filio imposuit. Hoc est Regnum: Nolle regnare, cùm possis.



C. F. Sch.

H

SPL.



1700 AD
1700 AD

SPITIGNEUS I.

BOEMORUM DUX XIII.

Quò Te diversum juvenilis proripit ardor ?

Quò Pater incessit tramite, carpe viam.

Icarus, à Patriis dum tramite devius errat,

Concidit. In casum te rapit istud iter.

Vos Superi meliora. Tamen discrimina viciit.

Quàm fuit, infelix, proximus, ut rueret ?

Spitigneus, ab optimo Parente adhuc vivo Principatu donatus, primò quidem haud indignum se tanto Patre probavit. Verùm, annis auctus, vitijs vix non effecit, ut muneris Parentem pœniteret. Ergo principia ejus Imperij moderata, ac pia: religionem Christianam fovere: templa erigere: **D E U M** vereri: Cives amare. Dethonio, ac Mirso, Christianis hominibus, quos à Borivorio, gravioribus in rebus, à consilijs acceperat, addictissimus, omnia ad unius virtutis honestatem destinabat. Si quæ ætas, adolescentia, misera est. Contemptrix alieni consilij, inops sui, nec alijs parère vult, nec ipsa sibi novit imperare. Animum, qui per pueritiam alieni quasi juris fuit, illico in libertatem non vindicare, aut ignaviam putat, aut amantiam. Cùm adolefceret igitur Spitigneus, ægrius Consiliarios ferre cœpit, rariùs illos audire, multa hoc ipso negligere, quòd ab illis laudabantur. Hoc

etiam vitio humana laborat ambitio. Odit quædam, non quia ipsa displiceant, sed quia illorum aucthores fastidit. Occupavit & alius Principis mentem error: Religione ad Regni tutelam placuit abuti. Christianos spe lætabat, & à Christiano Duce multa expectare jubebat; Ethnicos interim, nè Religio diversa à Rege sejungeret, publicis collatis muneribus, devinciebat. In utramque partem factionum claudicare, nulli unquam profuit: Religione abuti, est iram Numinis provocare. Spigineum, sic aberrantem, in viam retrahere, gravioribus verbis, conati sunt Borivorius, & Ludmilla, Sanctissimi Parentes. Tardiùs redeuntem mors properare coëgit. Octavâ, ab ea die, quâ saluberima Parentum monita visus est negligere, Præge, non tamen sinè facinorum suorum detestatione, extinctus est. Primus ex Bohemorum Principibus, Christiano ritu, sepulchro illatus est, in Aede Tainenfi, à Ludmilla, Virgini Matri, dicata.





H 3

WRA-



WRATISLAUS I.

BOEMORUM DUX XI

EX votis tibi multa fluunt. Te Principe regnat
 Candida, cum purâ Religione, Fides.
 Gaudia sed turbat vesana Conjugis ira,
 Et dolus, & veris mens inimica sacris.
 Vivitur hac lege. Est nulla hîc sincera voluptas.
 Qua dulci pascit nectare, pungit apis.

EXcesserat è vivis Spitigneus, cùm supplices ad
 Borivorium se contulerunt Bohemi, Regnôq;
 restituere conati sunt. Verùm, qui se-
 mel ex naufragio emerferat, adduci non potuit, ut
 in mare regrederetur. Habent hoc, quæ splendi-
 da habentur veriùs, quàm sint; antequam possiden-
 tur, desiderium: semel possessa, excitant fastidium
 sui. Spitigneo igitur Borivorius Wratismaum natu-
 minorem Principem substituit. Hic nihil omisit,
 quo optimis Principibus posset æquari. Mirâ erga
 Parentes observantiâ, illorum de Reipubl:, Christi-
 anæque Religionis augmento, sententiam venaba-
 tur solerter, & diligentius exequabatur. Tantam
 Principis probitatem perpetua ferè Pax comitata est.
 Semel ab Hungaris turbata, Wratislai virtute citò
 redijt ad serenitatem. Hostem enim vagum, & ex
 occasionibus assilientem, Bohemo milite, Dux in-
 secutus ante pugnam arma ponere, & fœderis con-
 ditio-

ditiones subire cōegit. Pulcherrimè cætera Wrat-
slao cūm fluerent, debuit à deplorato Uxor-
is ingenio admoneri conditionis humanæ, cui voluptas sic
permittitur, ut nunquam sinè dolore. Drahomi-
ra Lucensis Dynastæ filia, ut in Bohemorum Princi-
pum domum matrimonio veniret, amplectendæ
Christianæ Religionis spem fecerat certissimam.
Wratislao nupta, fraude muliebri fidem elusit. Gra-
vissimo rei Bohemæ incommodo, & optimi conju-
gis dolore, non modò Christiana sacra respuit, sed
etiam opprimere conata est. Ex illa Wenceslaus
& Boleslaus Wratislao nati sunt. Illum Ludmilla
Avia instituit, hunc Drahomira Mater. Ille Avia,
hic Matris mores retulit; ut constaret, quid in ani-
morum formatione puerilis valeat educatio: Hæc
Pragæ dum aguntur, Romæ, felici exitu vitam clau-
sere Methodius, ac Cyrillus, Bohemorum, ac Mo-
ravorum Apostoli. Wratislavus beneficiorum me-
mor, æternæ illorum memoriæ ædem, Bole-
slavia, dicavit. Ipse sic vivere desijt,
ut vixit.





WENCESLAUS I.
MARTYR
BOEMORUM DUX XV.



WENCESLAUS I.

M A R T Y R

BOEMORUM DUX XV.

T*Ematris jubet ira mori: Te dextera Fratris
Conficit. A cunctis jam timuisse licet.
Nulla homini parcit volucris, non bestia: terra,
Unda, aër, ignis, sidera saepe nocent.
Si Genitrix odit Natum, si funera Fratris
Frater amat; nullo nomine tutus homo est.*

Wenceslaus, quo nullum illustrius Christianæ pietatis exemplum edidit Bohemia, imaturus Regno à Patre relictus est. Dum adulescit, Drahomira Mater Bohemiam rexit, & crudelitatis artes omnes in Christianos exercuit. Fæmina sive amat, sive odit, modum non habet. Adulto Duce, cessit ex aula Furia illa; neque enim fas erat improbitatem eodem, cum innocentia, folio considerare. Wenceslaus Regni felicitatem in probitate Civium positam esse ratus, Christianæ pietatis officijs omnibus, aggressus est populos, in virtutis amorem, provocare. Principis in Cælestes studia, amplissimis in Principem beneficijs rependit **D E U S**. Sæpe cœlo delapsas beatas mentes jussit Wenceslao præsto esse, & Ducis optimi lateri, veluti stipatores, adhærere. Illud nescio, an illustrius

strius. Radislaus, Curimensis Dynasta, in Wenceslaum arma moverat. Cum sine militum clade, Ducum provocatione decerni posse visum esset, iverant in arenam Duces. Erant subiecti; & repente, factâ cælitus voce, triumphus Wenceslao decretus est, iussusque Radislaus illius genua supplex accidere. In tanta, quam cælum ipsum struebat, felicitate vix aliâs majoris moderationis exemplo humana ambitio damnata legitur. Otho Augustus Regium nomen, ac diadema, publico Principum in conventu, Vormatiæ habito, Duci sponte obtulit. Regiam dignitatem pertinaciùs rejecit Wenceslaus, quàm obtulerit Augustus. Fortè debuit ab Augusto aurum nolle, qui laurum expectabat à Deo. Pissimo sub Principe, ea in Bohemorum animis incrementa fecerat Fides, quæ Drahomiræ superstitio diutius non ferret. Ergo infamissima Mater, ut Christianam religionem deiciat, columnen illius, Wenceslaum filium tollere decernit. Ut numeros omnes scelus habeat, spe Regni obtinendi factâ, Boleslaum armat in Fratrem. Nè præ cæteris innocens videretur, etiam Bohema Regia tulit tragici sceleris exemplum. Frater, jubente Matre, ante aras supplicem, Fratrem peremit. Sanctissimus Martyr, virtutum, ac miraculorum famâ illustris, Cælitibus adscriptus est.

Parricidas varium supplicium ex-
cepit.





BOLESLAUS I.
SÆVUS
BOEMORUM DUX XVI.



BOLES LAUS I.

SÆVUS.

BOEMORUM DUX XVI.

T*E matris perdunt mores: age: desere matrem.**Sape, etiam matrem deseruisse, pium est.**Illam quidem scelerum persolvat vindice penas**Numine; Ab aetherea jam fremit arce furor.**Tu nè quære malum. Pete littora: flabra minantur.**Hoc Cælo quisquis navigat, ille perit.*

Boleslaus ejus nominis primus, quàm turpis initio dominatus, tam clarus exitu fuit. Inter Principatus rudimenta, ex Drahomiræ sævitiâ, multa gessit. Quoscunque occiso Fratri impensius studuisse cognovit, è vivis sustulit: interfectorum cadavera feris prædam objecit: Sacerdotibus exilium, si persisterent, necem indixit: in Christianum nomen Christianus ipse, eo impetu, desævijt, quo sævissè transfugam puderet. His artibus Sævi cognomen adeptus est, Tenebat atrociora; sed manifesta Numinis in Drahomiram animadvertentis ira, ferociam infregit. In Christianorum funeribus, avidissima cruoris fæmina sibi placebat; cùm repentino terræ hiatu absorpta est. Accessit & aliud, quo potuit à flagitijs Boleslaus avocari. Sensit suis sceleribus se effecisse, ut dignum

gnum censeretur caput, in quod mucrones, æquitatis vindices, proximi Principes acuerent. Otho quidem Cæsar illatam Sanctissimo Duci Wenceslao necem, parricidæ sanguine, se vindicaturum, mortis armis, minabatur. In felicitate sapere rarum est. Crocodillum humanus animus imitatur. In aquis hebetes, illis destitutus acerrimos habet oculos. Ergo, ubi se à cælitibus æquè, ac mortalibus destitui sensit Boleslaus, sapere cœpit, & retracto gradu, novis pietatis officijs, antiqua damnavit scelera. Christianam Religionem quàm crudeliter afflixerat; tam ardentè erexit, nec adduci potuit, ut priùs Miecislao primo, Polonorum Duci, Dambrowkam filiam matrimonio jungeret, quàm lustrali fonte expiatus Christiana ille sacra in Poloniam induceret. De o reconciliatus secundo prælio Hungaros primùm, deinde Moravos profligavit.

Septimo, & trigésimo, à coronâ acceptâ, anno extinctus est; hoc felix, quòd in portu occubuit, cùm vixisset in freto.







ROBERT A. L. L.
1871
BOSTON, MASS.

BOLES LAUS II.

P I U S

BOEMORUM DUX XVII.

Hunc *Pietas ornati titulis. Virtutibus apta,*
Hunc gaudet civis dicere, voce, Pium.
Rarus honor. Fortes è Regibus aula recenset
Multos; sed paucos nuncupat aula Pios.

A B eximia Pietate Hic Pij cognomen accepit. Boleslai Patris mores, sed illos posteriores, quibus senectutem cohonestavit, vitam totam retulit. Natu minor cum esset, Principatum gessit, quia Strachiquas, major natu, sacris inter Monachos maluerat initiari, quam regnare; dignus posterorum memoriâ, si stetisset in virtutis gradu. Turpius cadit, qui honestius stetit. Qui Regnum potuerat contemnere, ausus est Episcopatum ambire. Ante aras, solemnî ritu, dum inauguratur, à dæmone concisus perijt, miserum ambitionis exemplum. Boleslaus coronâ potitus, nihil habuit antiquius, quam rem Christianam promoverè. Itaq; multis erectis templis, à Joanne IX., summo orbis Pontifice Episcopum, qui summâ cum authoritate in Bohemia sacris præesset, missis Romam legatis, obtinuit. Detmarus is fuit, natione Saxo, vir omni virtutum flore conspicuus. Interea Verso-

vicenses, familia perpetuò Ducibus infensa, quas do-
mi non sperabant, ex Polonia turbas in Bohemiam
advocârunt. Bellum caro stetit Polonorum Duci,
Boleslao Acri. Qui aliena venerat direpturus, sua
non defendit. Vastatâ Poloniâ Cracoviam Bohemi
occupârunt. Nusquam minùs quàm in Bello even-
tus respondent. Boleslai etiam tempora Adalber-
tus Secundus Pragæ Antistes illustravit. Hic Chri-
stianam pietatem tardiùs, quàm cupit; à Bohemis
admitti dum dolet, ad Prutenos se confert, ubi

Martyrij lauream assequitur. Hoc virtus ha-
bet magnificum: omnibus prodesse vult:
prohibita cæteris prodesse haben-
ti semper prodest.





K 3

BOLE.



SOLE

2

BOLESLAVS III.

CÆCUS

BOEMORUM DUX XVIII.

Auri dirus amor tibi mentem excacat : abimâ,
 Eruit infestus lumina, fronte, dolus.
 Tandem animo cacus, cacus quoque corpore, Sceptrum
 Deseris, & Natum flectere Regna jubes.
 Hoc bene, nam Regni cura neque sufficit Argus;
 Et centum Regis lumina, multa latent.

Boleslaus III. cui alienum crimen Cæci nomen
 Effecit, Cracoviam, quam Patris virtus Bo-
 hemiæ adjecerat, suâ avaritiâ amisit. A Tri-
 buno, quem tuendæ Civitati Parens præfecerat,
 sæpe monitus, ut præsidarium novum militem,
 veterano extincto, submitteret, maluit pecuniæ
 parcere, quàm famæ. Non latuerunt hæc Polo-
 num, intentum in occasionem omnem recuperan-
 di Cracoviam. Ergo validâ juvenum manu immis-
 sâ ad deditionem Tribunum compulsi, totâque Po-
 loniâ, ac Silésiâ Bohemos abegit. Nescio an non
 hoc in Principe pessimum sit : affectus nec regere
 posse, nec abscondere. In alienam potestatem
 venère pleriq;, qui in sua non fuerunt : & multi capti
 sunt, quia, quo capi possent, ostenderunt. Tam
 professâ avaritia non modò Civitatibus, sed ipsis
 oculis

oculis Boleslaum privavit. Redactâ in Poloni potestatem Cracoviâ, Bohemi suum Principem ad arma Polono inferenda coegerunt. Aiebant satius Bohemo nomini fuisse, nunquam Cracoviam capere, quàm captam sic amittere: præteritis laboribus dedecus emptum videri. Posuerat jam in Silesia castra Boleslaus, cùm Polonus, qui Bohemi Ducis ingenium noverat, Legatos mittit, qui significant malè in militem tantam pecuniæ vim infumi: facilitè posse inter utrumque Principem controversiam componi. Veniret modò Bohemus Cracoviam, & hospitij sanctitate fœdus auspicaretur. Spes omnis credula est, & vehemens amor nil non spondet sibi. Itaque dimisso exercitu, Proceribus aliquot comitantibus, Cracoviam ivit. Ibi hospitales inter epulas captus, & admotâ oculis ignitâ laminâ exoculatus refertur. Subinde in Bohemiam rediens, malè defenso, sponte decessit Principatu, quem Hiaromirio filio dedit. Non desunt, qui Cochani Verfovicensis dolo Bohemum inductum dicant, ut Polono se crederet, & Polonum, Bohemo fidem nè præstaret. Non semel accidit, ut unius Consiliarij fraus pluribus simul Principibus illuderet.





L

HIA-




HIAROMIRIUS

BOEMORUM DUX XIX.

Hic jam tranquillo fit naufragus aequore. *Victrix,*
Cum jam fregisset flamina, cymba perit.
Fratri ope, infestos Regno devicerat hostes;
Cum cecidit Fratri fraudibus è solio.
Crede, age, jam facilis Fortuna. Vitrea fors est.
Cum placet, & stringis, frangitur in manibus.

Hiaromirius à domesticis, exterisque exagita-
 tus, à Fratre graviora, quàm à cæteris passus
 est. Principatum vix inierat, cum Cochani
 Werfovicensis fraude circumventus est. Per-
 speciem venationis in silvam adductus, Werfovi-
 censium sagittis exponitur. Non semper in scele-
 re felix est dolus. D. Joannis Baptistæ ope implo-
 rata illæsus Princeps evasit. Ex Werfovicensibus
 tredecim à Venatoribus in tumultu capti, securi
 percussi sunt. Hoc defunctum periculo aliud Prin-
 cipem excepit. Ipso tumultus initio Cochanus
 evasit, & extincto, ut ipse rebatur, Principe, Polo-
 num in Bohemiam properare coëgit. Adfuit hic
 cum exercitu, nec quia Principem vivere deinde
 cognovit, recessit; verùm vastatis agris Pragam
 cepit, ipsúmque Ducem in Wissegradensi arce ob-
 sedit. In ancipiti res erat, cum Udalricus, Hiaro-
 mirij frater, è custodia, quâ Cochani fraude, apud
 L 2 Henri-

Henricum Cæsarem detinebatur, elapsus in Bohe-
miam venit. Nunquam improba spei, quod da-
tur, satis est. nec quisquam satis suo pretio se æsti-
matum putat. Cochanus minora meritis præmia
se à Polono accepisse querebatur. Itaq; novâ spe ex-
citatus, ut perfidia perfrixtæ frontis est, ad Udalri-
cum advolat: Pragam sinè prælio pollicetur, nisi
præterita oblivisci Principem pigeat. Unum hoc
hominis factum fide non caruit, prodiditque Prin-
cipi Pragam. Fugato Polono tempestati se subtra-
ctum Hiaromirius arbitrabatur. Sed Regnum
eam, quam mare, habet constantiam: momento,
& à quo minùs reris, evertitur. Post victoriam
convenerat inter fratres, ut simul regnarent. Ea
concordia, seditioso homini, Cochano non placuit.
Boleslai sævi exemplo, ut solus, extincto fratre,
Udalricus regnare velit, persvadet. Ad nostra sce-
lera abutimur alienis flagitijs, imitatio alienæ cul-
pæ non facit innocentem. Udalricus minus aliquid
ausus, quàm Boleslaus, Hiaromirium luminibus
orbare sat habuit, regnóque exutum Bohe-
mix, in ordinem redegit.







UNIVERSITY OF CHICAGO
LIBRARY

UDALRICUS I.

BOEMORUM DUX XX.

UT regnes, oculos miti rapis improbe Fratri;
Emptâque fraterno sanguine sceptrâ placent.
 Sed post hæc facti crudelem pœnitet; Ipsâ
Sceptrâ horres; Regnum nec sine Fratre placet.
 Sic est. Quam genuit crimen, miseranda voluptas
Vertitur in pœnas insidiosa graves.

UDalricus Principatum malè partum non malè
 administravit. Adhuc recentibus odij in Fra-
 trem facibus æstuans, minùs decoras amoris
 in Virginem flammâs concepit. Beatricem, rusti-
 ci hominis filiam, deperiit, duxitque in uxorem,
 meliore eventu, quàm consilio. Illa enim suavissi-
 ma morum majestate matronas quasq; supergres-
 sa, docuit à virtute nobiles fieri, non quæri. Cæ-
 terùm, postquam emarcuit voluptas illa ex Regno,
 Fratris ruinâ acquisito, sibi ipse displicere, atque
 odio esse cœpit. Ergo per Helicardum, Pragæ Epi-
 scopum, Fratri reconciliari petiit, & obtinuit, ra-
 ro fraternæ charitatis exemplo. Post hæc amore
 inter Fratres certatum est; & Udalricus quidem
 solio excedere parabat, sed Hiaromirius Fratrem in
 Principatû socium amavit. Interea adolevit Bre-
 tislâus, Udalrici filius, qui ob præstantissimam in-
 dolem, & Patruî, & Patris amore dignus habitus
 est.

est. Itaque, ex utriusq; voluntate, Marchionis titulo, regendam suscepit Moraviam, quæ ab Arnulpho Cæsare, suo spoliata Rege, jam pridem volens lubensq; in Bohemorum Ducum potestatem concesserat. Triumphis celebrabatur Bretislaus, cum Pater febri extinctus est. Nullum habuit Bohemia spectaculum illustrius Udalrici funere, quod Hiaromirij charitas illustravit. Stetit hic exoculatus ad Fratris cadaver, manumque in illud cum extendisset, inquit. Sine Udalrice, ultimum te tangam, quem videre non possum. Nunquam gravior oculorum-jactura mihi visa est, quam hodie. Tuum funus exequor sine lacrimis. Quanquam, qui per oculos nequit erumpere, gravius cor premit dolor. Carior mihi oculis fuisti, dum oculos habui: postquam voluisti me oculis carere, corde carior habere cœpi. Tuum imperium, vel Wersovicensium potius flagitium, oculos mihi eripuit. Corde me, sponte mea, privavi: volui esse tuum, ac æternum hoc volo. Post hæc in extincti Fratris amplexum corrui. Attonitis amoris eo spectaculo cæteris, tandem surrexit, jussitq; Bretislaum Nepotem sequi. Ad solium cum venisset: Conscende, inquit, solium Bretislacæ, ex quo ego decedo. Meliore fortuna regna, quam ego, quam Pater tuus. Sic Ducis depositis insignibus, à fratris funere mæstissimus, publico deinceps caruit.





M

BRE-

BRETISLAUS I.

BOEMORUM DUX XXI.

BRetislæ, tegit tibi victrix tempora laurus,
 Illa eadem, mitis, tempora, Oliva tegit.
 Si fera bella vocant, Urbes ferro obruis. Urbes
 Legibus exornas, si fera bella silent.
 Idem Equus, fortisque unus tu munera præstas,
 Qua Numa, qua frater præstitit ante Remi.

BRetislaus, æquè belli, ac pacis artibus clarus
 adolefcens, ætatis vitio, Juditham Othonis III.
 Cæsaris filiam rapuit, duxitque in uxorem.
 Facinoris indignitatem, posito in Bohemia Imperij
 solio, vindicaturum se, solenni Sacramento, spon-
 dit Henricus II. Augustus. Nec tacuit Bretislaus;
 facinus se defensurum incensâ Germaniâ jure juran-
 do asseruit. Jam motis signis concurrebant acies,
 cùm Juditha victo malis muliebri pudore, inter ar-
 ma irrupit, infestâsque acies diremit, & Ducum Sa-
 cramentum, pulcherrimo commento, vel imple-
 vit, veleludit. Cæsarem (ut verbis religio staret)
 amicum, ac hospitem Boleslaviæ, in Bohemiæ cen-
 tro, considerare: Bretislaum Cæsaris amicitiam læ-
 tum, festivos veluti ad ignes, dato agrestibus præ-
 tio, aliquot in Germania pagos incendere voluit.
 Posthæc Henrico in Hungaros pugnanti cum milite
 adfuit Bretislaus, & re bene gesta, ex Hungaricis

manubijs, Gradenſe in Moravia Monafterium cre-
xit. Confecto hoc bello pacem, ac quietem Bo-
hemis triennalem permifit, quo tempore ſaluber-
rimas Reipub. leges tulit. Triennali otio exacto,
nè bellicoſo populo diuturnior quies noceret, dele-
ctum habuit, & Polono, veteres injurias, orbatum-
que oculis Boleslaum III. ulturus, bellum indixit.
Non totâ æſtate tranſactâ Sileſiam, ac Poloniam po-
pulus, præſtantiffimas quatuor Urbes, Wratſla-
viam, Cracoviam, Gneſnam, Poſnaniam cepit ac
diripuit. Victoriæ gaudium Romani Pontificis,
Cæſaris, & Caſimiri, Polonorum Regis, ira turba-
vit. Pontifex direpta, ac violata Sacra: Cæſar
turbatam pacem: Caſimirus vaſtatum regnum
querebatur. Pontificem, ex Polonicis Manubijs
erecto templo, & Sacerdotum Collegio fundato,
placavit: Cæſaris amicitiam certis conditionibus
redemit: Caſimiro Civitates reſtituit, tributo ta-
men indicto. Extinctum luxerunt pupilli,

& Viduæ.





Acta. del.

fr. D. 10.

M 3

SPI-



SPITIGNEVS II.


BOEMORUM DUX XXII.

H*Eu qua funesti primordia turpia Regni,
Et civi, & matri, & fratribus asper agis?
Si conjurarent cum primis ultima; sceptrum
Qua sic tractasset, dextra Neronis erat.
Extremis sed prima anfers. Hæc pulchra litura est;
Virtutem sceleri nam bona substituit.*

SPitigneus Bretislai filius, varius vitijs, ac virtutibus, reprehensibilis initio, laudabilis ad extremum fuit. Administrationem Reipublicæ ab inhumanitate exorsus, Germanos omnes ex Bohemia proscripsit. Nè deesset impietas, nè Matrem quidem, aut sacras DEO Virgines excepit. Ægrè tulêrefacinus hoc Moravi: sed non impunè; trecentos ex prima nobilitate carcere damnavit. Vitia manu se invicem trahunt, & facilè sequuntur. Crudelitati apposuit latiùs regnandi libidinem. Ergo Parentis acta rescindere, Fratres Moraviâ exuere decrevit. Ita Bohemia res integra ad unum devoluta est. In præcipitia cursus hic Principem ducebat. Cùm Severus Pragensis Episcopus opposuit se obicem ruenti. Mortalibus cœlestes accedere minæ. A S. Vito monitus est, ut ab injuria desisteret, quam Numinis ira ulcisci parabat. Ex hoc consecuta mira rerum mutatio. Sua ipse Princeps

ceps acta rescidit : Fratribus Moravos captivos dimisit : æquissimos viros ad jus dicendum elegit, quos noluit ultra triduum pupillorum , aut viduarum causas ampliare. Decretum suo exemplo firmavit. Cùm ex Civitate aliquando egrederetur, obviam mulieri roganti, ut se audiret, ex equo confestim desiliens, in ipsa Civitatis porta, integras duas horas, aures dedit. Illud etiam posterorum imitatione dignum non præteribo. Epulis cùm accumberet, nè dissolveretur animus, eorum, qui ante se in Bohemia regnâssent, acta legi voluit, & sic ad Reipub. moderationem erudiri. Sexennium in Principatu egerat, cùm obiit, Ducumque Bohemorum ordinem clausit. Administrata à Ducibus est Bohemia annos, à Gente condita, ferè quinquaginta supra quadringentos; inde Reges, ac Interreges rerum potiti sunt.





WRATISLAUS II.
BOEMORUM REX I.



WRATISLAUS II.

BOEMORUM REX I.

Czechius Augusti posuit fundamina Regni;
 Hic apicem Regno, Regia ferta, locat.
 Confer utrumq; virum generosa Bohemia. Multum est,
 In te, quod Princeps fundit uterque, decus.
 In quam Regnares Gentem tibi condidit ille;
 Sed quo regnares jus dedit iste tibi.
 Pace tua dictum, Gentis Pater optime. Plus est,
 Jus Regni, Regno quàm genuisse viros.

Primus hic Bohemorum Principatum Regiâ
 coronâ illustravit. Henricus IV. Cæsar, Mo-
 guntinis comitijs, vel merito eo honore
 Wratislai virtutem exornandam, vel splendido eo
 beneficio magni Principis potentiam sibi concilian-
 dam existimavit. Itaque à Gilberto, Trevirorum
 Antistite, Wratislaus cum Coniuge, fundatæ salutis
 Anno M. LXXXVI. XVII. Kal: Julij, Pragæ in Regem
 coronatur. Neminem eò fortuna provexit, ubi
 non posset illi minari. Pulchrè secum agi Wratisla-
 us crediderat, novis honoribus auctus. Sed coro-
 nam secutum est bellum, & deplorandum ipsum, &
 deplorandi belli origo. In Gerardum, & Conra-
 dum Fratres ducendus fuit miles: & ille quidem
 febri extinctus arma non vidit; Hic verò, Brunæ
 obsessus, Wratislai gratiam Uxoris lachrymis re-
 demit.

demit. Cæterum Conradum Rex dum oppugnat,
incautus Bretislaum filium hostem sibi fecit. De-
siderius ex aulicis Regi carissimus coram Patre falsè
Bretislaum perstrinxit. Rex risum non tenuit, quo
falsum verbum approbâsse visus est. Hinc in De-
siderium; ac Parentem Juvenis exarsit. Hoc etiam
ad nostras pertinet misérias. Rifu lædimur, & qui-
dem acerbiùs, quàm convitio. Itaque Desiderium
per sicarios interemit: Regem armis lacessivit Bre-
tislaus. Pugna quidem commissâ non est, Conra-
do prohibente; sed admissum est scelus, quando
tam propè ad parricidium filius accessit. Post hæc
reconciliari Patri potuit Filius, sed maluit ad Ladi-
slaum Hungarorum Regem contumax secedere.
Rex septimo, ab adepta corona, anno moriens, sub-
stituto Conrado fratre, filium exclusit à Regno, cui
ab feroci illius ingenio timebat, Reipub. quàm filij
amantior. Illatus est sepulchro in Wissegradensi
æde, Apostolorum Principi ab ipso dicata, eoque ti-
tulo verè regia, quòd ad illius fundamenta suis Rex
ipse humeris lapides comportavit, Magno
Constantino simillimus.







CONRADVS I.

BOEMORUM INTERREX I.

*Vix sceptrum, Conrade, capis, vix clarus in Ostro
Fulges, & Regnote rapit atra dies.*

An mens par auro fuerit nè constet, acerba

Mors prohibet, capis insidiata tuis.

Si tamen inspicio quid Regnum feceris ante ;

Conrade, Imperio non nisi dignus eras.

AB Wratislai Regis funere ferè quinque, & sexaginta Annos regia caruit corona Bohemia ; quia honor à Cæsare Homini magis, quam Bohemorum Duci delatus, à subsecutis sex Principibus vel non est petitus, vel non impetratus. Itaque Interregis titulo Conradus administrandam Bohemiam suscepit. Principis mores bene de Re- pub: sperare jubebant ; sed breuitas spei fructum ademit. Menses septem, solium tenuit, & fato communi concessit. Antequam Principatum adiret, de Wratislao Rege, ac Gerardo Fratribus optimè meritis, pulcherrimo facinore coronam promeruit. Pragensem Episcopatum, quem antea oblatum rejecerat, petebat Gerardus. Rex hominis levitatem vel durioribus remedijs sanare, vel punire decreverat. Itaque dignitatem negabat. Divisa in factiones Bohemia in civile bellum erupisset, nisi Conradus malo prudenter medicinam fecisset,

cisset, & Wratislaum Gerardo reddidisset mitio-
rem. Post hæc aliud in Wratislaum, Bohemiámq;
universam contulit beneficium. Leopoldus Au-
striæ Marchio, Wratislai ditionem, immisso mili-
te, vastabat, totique Moraviæ graviter imminebat.
Adfuit Wratislao Conradus, profligatóque Leo-
poldi exercitu, ab hostilibus armis servavit Bohe-
miam, quam antè à Civilibus præservârat. Verùm
nulla re gloriosior, quàm præclaro Principatus fine
fuit Conradus. Decedens filios reliquit supersti-
tes Udalricum, & Leopoldum. Illi Brunam, huic
Znoimam delegavit: Régnum ad Wratislai filios
redire voluit; si, ut acceptum à fratre in Nepotes
referret beneficium, gratus; si, ut filijs
à regnorum procellis caveret,
pius.







BRETISLAUS II.

BOEMORUM INTERREX II.

Hic rigidos mores emollit purpura. Regem
Mitis agit, civis qui prius asper erat.

Quid querimus mutare homines cum munere mores?

Quosdam; non omnes sceptrum nocere docent.

Complorato Conrado, dubitatum à Bohemis
est, quemnam ex Wratislai Regis filijs (qua-
tuor enim superstites reliquerat) in Regnum
vocari expediret. Et Bretislao quidem quantum
ætatis prærogativa tribuebat, tantum asperum adi-
mebat ingenium. Nemo hominum vult feritati
subesse. Dum Pragæ consulitur, impetratis à La-
dislao, Hungarorum Rege, copijs Bretislaus Bohe-
miam intrat. Vis dubitationem sustulit, & Prin-
cipatum terror extorsit. Mirum in hac conditio-
nis mutatione accidit. Bretislaus cum purpura
benignitatem induit, & novus honor hominis mo-
res mutavit in meliores, raro prorsus exemplo.
Itaque, inter ipsa Principatus rudimenta, nihil omi-
sit, quo à Civibus amaretur, & quod pulcherri-
mum Regi est, quo cunctis optantibus & vive-
ret, & imperaret. Religioni addictissimus, Magos,
nefarium hominum genus, antiqua sacrificia dæ-
moni instaurantes, proscripsit. Basilicam D. Vito
Pragæ sacram, incendio deformatam, restituit: Bis

contra Wladislaum, Polonorum Regem, delectum
habuit, & pugnavit feliciter. Subinde cum Polo-
no fœdus percussit. Versovicenses, discordiarum
authores, bonis fisco adjudicatis, in Sirbiam (Lu-
satiam jam vocant) exulatum asportari jussit. Cæ-
terum, partam rebus præclare gestis gloriam, uno
facinore, infecit. Udalricum, ac Leopoldum Pa-
truelles, paternâ hæreditate exuit, nec sine dolo.
Superbo fastidiri acerbius est, quàm non timeri.
Non magno se æstimari à Patruclibus querebatur
Princeps, qui tamen suum favorem ambitu expeti
optabat. Septem annos Bohemæ rei imperium
gesserat, & receptâ in visceribus sagittâ, extinctus
est. Lorecus, ex Versovicensibus exulibus,
altâ jam nocte, redeuntem ex Vena-
tione sic oppressit.







BORIVORIUS II.

BOEMORUM INTERREX III.

T*er folio pulsus, folio bis redditus, agris
Emoreris curis fractus, in exilio.
Dum dubitat fortuna, jure, noccatne, per omnes
Raptatum, Princeps, ter rotat illa gradus.
Extollit, reprimat, tandem fera comprimit. Egit
Quod solet. In casum, quæ levat, illa levat.*

Inconstantis fortunæ exemplum Hic est. Sæpius in Regni discrimen adductus, ter fastigio dejectus, bis restitutus, in exilio demum mœrore, curisque contabuit. A Bretislao fratre Bohemiam regendam cum accepisset, statim Udalricum, ac Leopoldum patrueles suos, Bretislai armis, Brunâ, ac Znoima exturbatos, in veterem possessionem restituit. Nescio an dicturus sim, satius esse quosdam lædere, quàm demereri. Beneficijs arman-
tur ad scelera. Udalricus, liberalitate Principis, receptâ Brunâ, egit de Regno Borivorio adimendo. Amor Civium Principi Regnum servavit. Ex Patruuele victor, à Patruuele alio victus est. Honorificam legationem, & dona Boleslaus III. Poloniæ Rex ad Borivorium Interregem, & Svatoplucum, Olomucij Marchionem, miserat. Donorum participem Patruelem non fecit Borivorius. Ille, contemni se ratus, ex scintilla excitavit incendium, quod,

quod, arreptâ in Poloniam fugâ, conatus est evitare Borivorius. Svatoplucus altero ob occupatâ coronâ, anno extinctus est. Nova spe erectus, quâ vi, quâ arte Regnum Exul recepit. Multo studio quâsitis rarè homines multo fruuntur tempore. Longus labor, usus brevis. Iuniori Fratri Wladislao à Cæsare adjudicato Principatu, iterum Borivorius exulavit. Wladislaus tamen victoriâ abusus non est, & sensim redeuntem pietatem admittens, nondum exacto anno, socium ab exilio Borivorium accepit. Placidissimè unâ Fratres regnabant, cum nova excitata à seditiosis tempestate, solutóque inter Fratres amore, in Bavariam primùm, deinde in Hungariam Borivorius dejectus est, eoque in exilio extinctus. Vix alium plura pati regnandi cupido coëgit. Vix cum alio fortuna luserit acer-

biùs. Unus omnium optimè docuit, quàm

lubrico loco stet humana Maje-

stas.







THE UNIVERSITY OF CHICAGO PRESS
CHICAGO, ILLINOIS, U.S.A.

SWATOPLUCUS

BOEMORUM INTERREX IV.

Sunt tibi, qui Regni perturbant otia, Cives;
 Hos tu submisso providus ense metis.

Sed tamen est aliquis, qui sese subtrahit ira:

Ad nova, si nescis, crimina crimen abit.

Hoc cave. Qua, reliquis excisis, spina remansit;

Illam est, incautum qua ferit agricolam.

Swatoplucus, Othonis Olomucij Marchionis Filius, Borivorio Patruelle dejecto, solium invasit. Injuriam partum, ut jure Principatum retinere videretur, ab Henrico V. Cæsare causam sibi adjudicari, ingenti obligata pecunia, obtinuit: Hinc, ærario exhausto, cum solvendo non esset, ad rapinas conversus sacræque profanæque diripuit. Subinde Cæsar in Hungaros expeditionem suscepit; adesse jussus cum milite Swatoplucus egregiam Cæsari navavit operam, Nitriam Captam, & vastatam Hungariam. Hæc inter novi rumores in Bohemiam Interregem revocarunt. Werfovicensium in Bohemorum Principes odium regnum turbabat, per speciem restituendi in pristinam dignitatem Borivorium. Reverfus in Provinciam Swatoplucus, ratus ex Repub: fore, semel discordiarum radicem extirpare, Werfovicensium familiam ferè totam obtruncavit, nè feminis quidem, aut infantibus

tibus servatis. In exigenda pœna, sanabilia ingenia à deploratis distinguenda sunt : Æquè corpori incommòdum est victura membra abscindere, & mortua pati. Arbores senio infructuosas eruimus, earum propagines, spe meliore, nutrimus. Ex tanta Weršovicensium clade aliqui, fugâ subducti, in Poloniam se receperunt, in spem futuræ ultionis. Rebus domi compositis, Cæsarianis auxilijs fretus Swatoplucus bellum intulit Polonis, quos Borivorio favisse ægrius tulerat. Glogoviam hostilibus armis premebat, cùm, adacto per tergum telo, à sicario, jussu Weršovicensium exulum, occisus est. Principem bellica virtute non obscurum deplorârunt milites, motisque castris in Bohemiam adductum in Gladronensi Cænobio, ab eodem extracto, condiderunt.







WLADISLAUS I.

BOEMORUM INTERREX V.

Proijce tela manu. *Quæ Fratrum prælia cerno?*
Alter in alterius pectora tela rotat.
Mater adest. Poni arma jubet. Qui spernere Matrem
Audet, is in fratrem perditus arma ferat.
Fallor? an irarum cecidit vis? lacryma Matris
Extinxit, dederat quas furor antè, faces.

Occiso Swatoplucò, Regnum ad Wratislai Rēgis Filios redijt, sceptroque potitus est Wladislaus, tertio loco natus. Hoc Interrege facinus deflevit Bohemia, cui vix Thebæ simile luxerunt. Vidit fraternas acies infestis armis concurrere, & tres fratres de Regno, ferro, decernere. Borivorius, conjuratorum ope, Pragâ occupatâ, in spem Principatus recuperandi devenerat. Wladislaus instructam aciem in Fratrem duxit, victorque, Fratris exilio, solium sibi asseruit. Borivorij casus visus est Sobeslai animum erexisse. Is inter fratres natu minimus, olim voluntarius Borivorij in exilio comes, Polonicis auxilijs Bohemiam invasit, Germanum folio dejecturus. Atrox commissum inter fratres est prælium, nec nisi Sobeslao vulnerato diremptum. Asperiora imminebant, sed ea Swatowa Principum mater avertit. Stetit hæc Wladislaus inter, & Sobeslao, & dissidia detestata; Ergo, inquit,

inquit, nisi duos peperissem, hoc scelus non viderem? Nisi Sobeslaum genuissem, Wladislaus non oppugnaretur. Nisi Wladislaus esset, Sobeslao non timerem. Quod hoc infortunium? in filiorum exitium, Bohemiæ lacrymas, meum cruciatum fui fecunda. Melius est tibi, Sobeslaë, exilium, quàm reditus iste: expedit tibi carere regno, Wladislæ, quàm sic regnare. Terra hæc, quæ vos nascentes excepit, in mutuum exitium armatos videt? Ut videant cæteri, mater certè visura ultra non est. Aut, si pietas placet, donate matrem pace: aut, si scelus tantum arridet, qui crucienti Regnum petitis, siccis oculis pereuntem matrem aspiciate. Præstat mori, quàm à filio filij vitam in discrimen adductam intueri. Fregit animos materna pietas, quos arma non fregissent. Posuerunt fratres odia, & in mutuum ruentes amplexum beârunt Matrem, quam suis penè odijs peremerant. Sed nullum bonum, diuturnum esse patitur ambitio. Paulò pòst, dissidium recrudit, iterumque in Poloniam exulavit Sobeslaus. Sic est: violentus est amor regni. Naturam mutat vel invitis.





Q

SOBE-



SOBESLAUS I.

BOEMORUM INTERREX VI.

Dum te bella premunt, æquus tibi militat æther,
 Lapsæque sidera vincit ab Arcephalanx.
 Hoste triumphato, nec cingis tempora lauro,
 Nec pateris curru splendidiorē vehi;
 Aurea Cælitibus sed ponisserta, jubæsq̃ue
 Victorem dici, militis ore, Deum.
 Hoc age; nam Superum virtute est pulchrius hostes
 Devicisse, Hominum quàm superasse manu.

Sobeslaus, Fratrem mortuo, ab exilio in regnum
 venit. Belli, pacisq̃ue artibus longè clarissimus,
 inter ipsa Principatus rudimenta, insignē de Lo-
 thario II. Augusto, & Othone, Moravia Marchio-
 ne, retulit victoriam, in qua Otho ipse interemptus
 est. Constans est fama, Cælitibus præliantibus
 pro Sobeslao, id bellum confectum fuisse. Ipse
 Victor lauream Cælitibus acceptam retulit. Co-
 ronam auriduodecim, argenti octoginta pondo D.
 Wenceslao donum posuit. Neque negavit Lotha-
 rius, adverso Numine à se pugnatum; Quare spon-
 te amicitiam Sobeslao obtulit, qui ex hoste familia-
 ris; pro Lothario, contra Conradum, ac Frideri-
 cum, imperij æmulos, arma vertit. Non paucio-
 res invident, quàm admirantur, & quosdam ità
 virtuti vitium fecit insensos, ut quos imitari, vel
 Q 2 volunt,

volunt, vel nequeunt, perdere festinent. Sobeslao laudem omnem inctenti Miroslaus, & Strefemirus, materno genere Versovicenses, in quibus livorem alebat inertia, insidiati sunt. Detectâ fraude conjurati pœnas luere. Princeps periculo discusso, Deo Cœlitibûsque gratus, nudis pedibus, apertoque capite, Pragæ templa supplex adivit, erogato in pauperes auro, argentoque munificentissimè. Subinde Lotharius Cæsar expeditionem in Italiam suscepit, ut Innocentium II. Petro Leonis ejecto, Lateranensi sedi restitueret. In facinus pijlimum equites trecentos Lothario Sobeslaus adjunxit. Nec uberior foris, quàm domi gloriæ seges. Glacium Polonorum armis vastatum, Görlicium incendiq absumptum, Budisinam vetustate squalentem instauravit. Misam à fundamentis erexit, & quod caput est; Pietatem in populorum animis jacentem, suo exemplo, excitavit. Quarto decimo, quàm ad principatus fastigium ascenderat, anno, capitis dolore periit, Vir in paucis pius ac strenuus, & nisi adolescentior, motis armis, fratris odium incurrisset, etiam felix.







63

VLADISLAUS II.

BOEMORUM REX II.

I*Te alacres in bella viri: capite arma Bohemi;
Certa sub hoc vobis Principe palma viret.
Unus hic Insubriam Friderico vincet, & unus
Hungariam Stephani sceptrum sub aqua trahet.
Jura alij poscant Regnorum à Cesare. Regna
Regibus hic potius est Cesaribusque dare.*

Primum inter regnum sua virtute Hic sustulit.
Bene, pro Friderico Ænobarbo Cesare, admini-
stratâ Germaniâ, ab reduce ex Italia Augusto,
prudentiæ præmium, Ratisbonæ, Principum in
conventu regiam coronam recepit. Antequam
ea exornaretur dignitate, turpi suorum conjura-
tione petitus ad necem, virtute periculum evasit.
Nec honoribus auctus segnius egit; adeò ridendos
censebat, qui honores labori metam poni, & ultra
fastigium dignitatis, locum virtuti non superesse
arbitrantur. Itaque relatâ in album Bohemâ ju-
ventutem, primum Friderico Augusto, deinde Ste-
phano Gesæ, pupillo bellicam navavit operam, eo
eventu, ut Insubriam Friderico, Hungariam Ste-
phano restitueret. Ex Italia retulit in regnum,
fortitudinis eximiam monumentum, purpureo in
clypeo Leonem album, quo signo, nigrâ Aquilâ
abrasâ, hodiè que gloriatur Bohemia: ex Hungaria
pieta-

pietatis laude , & affinitate pulcherrima cum Em-
manuele Constantinopolitano Imperatore contra-
cta, redijt illustris. Neque verò pacis artibus mi-
nùs, quàm armorum tractatione , suæ gloriæ con-
suluit. Marmoreo ponte, quatuor, & viginti for-
nicibus supra Moldavam producto, Minori Vete-
rem Pragam conjunxit : Strahoviense , Plessense,
Teplicense Monasteria magnis sumptibus excitavit;
primum & vivus pietatis studio incoluit , & mor-
tuus sepulchro exornavit. Decessit honoribus ple-
nus, ac planè invidendus, nisi extremâ in senectute
Fridericum Cæsarem, quem tot beneficijs cumu-
laverat, ingratum passus , & folio discedere, & Fri-
dericum filium, quem regni socium accepe-
rat, exulem deplorare visus
fuisset.





UDALRICUS II.
BOEMORUM INTERREX
VII.



THE UNIVERSITY OF
CHICAGO
PRESS

14

UDALRICUS II.

BOEMORUM INTERREX VII.

L *Audem alij querant Regnū, populisq̃ue regendis ;
Huic placet insolita carpere laudis iter.
Imperio Fratrem donat. Voluisse carere
Imperio, plus est, quàm potuisse frui.*

Wladislai morte Bohemā res ad Interreges redijt. Dum multi de regno decertant, nemo Coronam regiam adipiscitur, Bohemiam plures dilacerant. Ergo, Wladislao extincto, Augustus, consilio non laudando, Friderico Wladislai filio præterito, Udalricum ex Sobeslao I. genitum jubet in Bohemia dominari. Hic, quasi alteri, non sibi, honorem à Cæsare quæsiuisset, paulò pòst Sobeslao, fratri seniori tradidit Principatum. Absterfit notam Boheimæ aulæ injustam. Viderat Bohemia, per summum scelus, à Fratre Fratrem regno exui. Vidit tandem à fratre fratrem regno donari. Frequentiora hæc essent exempla, nisi purpuræ splendor quàm plurimos excæcaret. Plures essent, qui regna relinquerent, quàm acciperent : plura essent regna, quàm reges, nisi proprias ignorare vires placeret. Senferat Udalricus, quàm supra vires suas grave esset regni pondus. Cæterum gloriosior regno relicto, quàm ducto exercitu fuit. Friderico Cæsari auxiliarem militem in Italiam debuit tra-

ducere. Nunquam clariùs constitit, militari solutâ disciplinâ exercitum dissolvi. Dum benignitatis laudem, & clementiæ nomen sollicitus ambit, rapinam militis non punit. Itaque multis ad latrocinia dilapsis, multis, ab agrestibus, se suâque tuentibus, occisis, non nisi laceras, & concisas copias in Cæsaris castra invexit. Ex Italia Bohemiam repetens, octo tantùm commilitones, dissoluti exercitus miseras reliquias, reduxit inglorius. Æquè malus est Imperator, qui militi omnia permittit, & qui negat omnia. Sive indulgentiâ, sive austeritate in militem peccet, nihil differt; Utroque vitio militiam, & rempub. prodit.



61



R 3

SOBE-

THE HISTORY OF THE
CITY OF LONDON
FROM THE FOUNDATION
TO THE PRESENT
BY JOHN STOW
1618

THE HISTORY OF THE
CITY OF LONDON
FROM THE FOUNDATION
TO THE PRESENT
BY JOHN STOW
1618

SOBESLAUS II.

BOEMORUM INTERREX VIII.

H*Eu quid agis? Regni primordia sanguine fœdas?
Tantane præcipitem proripit ira Ducem?*

Rex furit in famulum? melius Leo dividit iras.

Fortior in tenues non furit ille feras.

Estne fœra major servandi cura decoris?


Anne homini stolidæ plus feritatis inest?

Sobeslaus, ejus nominis II., à Fratre acceptum Regnum humano sanguine infecit. Vix sceptrum tractabat, & pugionem strinxit in Prindæ Præfectum, à quo durius se olim habitum in carcere querebatur. Præceps vindictæ non caruit infamiâ: non potuisse sibi temperare, quin regias manus famuli sanguine macularet. Cæterum ubi resedit ira, facti pœnitentiâ tactus, Episcopi genibus publicè advolutus scelus deflevit. Lachrymâ nihil citius arescit, & sæpe quos ira solet perstringere, excæcat ambitio. Sobeslaus sceleri scelus paulò post addidit, eo gravius, quo turpius. Emericus Hungarorum Rex, ab Andrea fratre in regni discrimen vocabatur. Ad Sobeslaum confugiens petijt, ut illius ope ad Cæsarem, quem appellârat, securus iret. Sobeslaus humani, divinique juris oblitus Regem, hospitem, supplicem, innocentem vincit, & captivum mittit Andreæ, cujus familia-

rita-

ritatem ambiebat. Quàm familiaria humanitati
vitia fecimus? illis conciliantibus amicitias inimus.
Rem æquè, ac debuit, graviter tulit Cæsar, & So-
beslaum ad causam dicendam accersitum, & ne-
quicquam morbum causantem, regni jure, & au-
thoritate exiit, substituto Friderico, Wladislai
Regis II. filio. Hinc atrox Fridericum inter, &
Sobeslaum bellum exarsit. Totis viribus ad Pragæ
mœnia pugnatum est. Anceps erat fortuna belli,
cùm Elisabetha, Friderici uxor, quæ pugnam spe-
ctabat, manibus ad cælum sublatis sic precata fer-
tur. Christe, conjugem serva, & victorem resti-
tue. In ipso pugnæ loco templum tibi, ac paupe-
ribus hospitium, quod posteris sit monumentum,
tuâ præsentî ope servatum esse regnum, Voveo.
Annuit Numen precibus. Fugato hoste, suis ipse-
met manibus Fridericus vulnus inflixit Sobeslao,
qui semivivus pugnæ subtractus, non ita multò
post perijt, memorandum violati hospi-
tij documentum.







FRIDERICUS.

BOEMORUM INTERREX IX.

*S*acra iterum cecinere tubæ : cui gloria pungi
 Corda, Palestinis destinat arma plagis.
Coge tuos in bella, potens Friderice, Bohemos,
Et pia Christiadûm, milite, vota juva.
Utile id est unum bellum. Certamine sacro
Et vicisse bonum est, & perijisse juvat.

FRidericus, non malus Princeps, alienâ culpâ Bohemorum odium incurrit. Ærario Germanos homines præfecerat. Hi in exigendis vectigalibus violenti, Plebis animos in Principem concitârunt. Accessit & alius odio fomes. Publicum munus Germano homini, Bohemis præteritis, demandavit. Id verò gravius Bohemæ Nobilitati visum est, quàm ferri aut posset, aut deberet. Itaque Ratisbonam ad comitia profectum jubent Principem exulare, & Conradum, Olomucij Marchionem, vocant ad solium. Malus consiliarius est animus perturbatus. Timori, ac dolori rarò credendum est; amoris atque iræ nunquam. Amantes, & irati plura sibi semper pollicentur, quàm possint. Pericula veriùs non vident, quàm contemnunt. Bohemi non multo post consilium suum damnârunt, coacti Cæsarianis minis abrogare, quod indignatione decreverant. Quare Conrado

radodimisso, iterum Sacramentum dixere Friderico. Nec tamen hæc tempestas potuit sinè humano sanguine componi. Novas in dies turbas moliebatur Conradus. Quare à Friderico Primislaus, Frater natus minor, ad hominis ferociam infringendam destinatur. Ad Ludomisium commissum est prælium, in quo potuit Conradus opprimi, nisi Fridericus in victum, favire victorem vetuisset. Subinde mentito tabellarij habitu ad se venientem Conradum humaniter excepit, injuriarum veniam amicè datâ. Eodem ferme tempore à Clemente III. Pont: Max: sacrum bellum indictum est. Cùm prima orbis Christiani capita in Syriam transmitterent, Fridericus, suis copijs eodem Conrado præfecto, Christianorum studia promovit.







1847

18

CONRADUS II.

BOEMORUM INTERREX X.

HUic patrio, miles, de marmore pone sepulcrum :
Hâc, inter lacrymas, marmora scribe notâ.
Conradus jacet hîc. Augusti jura tueri
Dum cupit, infestâ carpitur ipse lue.
Pulcris haud alio periisset tempore. Amici
Commoda curabat, cùm fera mors rapuit.

Tertium sacrum bellum, tantis Christianorum Principum studiis susceptum, plus terroris, quàm damni barbaris intulit. Friderico Cæsare in expeditione mortuo : Philippo Gallix, & Richardo Angliæ Regibus dissidentibus, tantum non cum ignominia discessum est. Conradus certe Bohemas, ac Moravas copias ità laceras reduxit, ut non immeritò Bohemiam intrans, & extincto Friderico substitutum se à Bohemis audiens exclamârit: Ex naufragio emerimus in Regnum. Sub hæc Romano Imperio pro Friderico Patre potitus Henricus IV. ingentem in Italiam traduxit exercitum, utriusque Siciliæ Regnum dotale recepturus. Rogatus adesse Cæsari Conradus diu dubitavit, irêne ipsemet, an per alium auxilia transmitteret? Vicit demum novi Cæsaris demerendi desiderium. Ergo Bohemiæ præfecto Henrico, Pragensi Episcopo, in Campaniam cum Cæsare pervenit. Neapolim,

lim, quam Tancredus totis viribus tuendam susceperat, Cæsar dum oppugnat, exortâ, in castris lue
Conradus exstinguitur, nulla re, nisi bis ducto mi-
lite, & nê feliciter quidem, memorabilis. Bohe-
mi suo hoc Principi amoris testimonium dedere,
Quem vivum in Italiam sequuti fuerant, ex-
tinctum Pragâ retulerunt, solennilu-
ctu, sepulchro inferen-
dum.





[Faint, illegible text, likely bleed-through from the reverse side of the page]

WENCESLAUS II.

BOEMORUM INTERREX XI.

H*En tibi stat quanti Regnum libare? Tenebris
Heu quibus, imperij quàm brevelumen emi?
Tertia te Regem prospectat Cynthia, quarta
Te videt inclusum carcere, ferre necem.
Ut pereat quis sceptrapetit. Dementia mentes
Quarapit? exitium quarimus Imperio.*

Wenceslaus secundus, Sobeslai senioris filius, contra Primislaum, Frederici Interregis fratrem, adnitente Henrico, Episcopo Pragensi, Principatum obtinuit. Verùm alieno favore partum, suo timore amisit. Primislaus, lectâ juvenum manu stipatus, Pragam tentaturus advenerat; Interrex, antepugnam abjectis armis, clam se certamini, & Urbi subduxit. Cæsarem hic dum appellat, ille Pragâ potitur. Subinde repetebat Wenceslaus folium, ex quo Primislaum Cæsaris minæ deturbârant. Sed ab Al-

berto , Lulatiæ Marchione , qui Primi-
laipartes sequebatur , comprehensus , car-
cerique addictus , brevi ærumnis con-
tabuit. Tanti huic trimestris Regni
usura stetit.







HENRICUS I.
EPISCOPUS PRAGENSIS
BOEMORUM INTERREX XII.

Quam reliqui prensant, ambit te purpura : tellus
Quam colit, invito supplicat aula tibi.
Sceptra fugis, meritòque diu contendis honori,
Et prece vix populi Regna, coactus, adis.
Virtuti blanditur honor ; sed conscia virtus
Ipsa sui, prater se, petit illa nihil.

Henricus, ex Bohemorum Principum fami-
liâ, Pragæ Episcopus, vacuo Solio comitia in-
dixit, in quibus, dum Spitignei pupilli cau-
sam agit, ipse à Bohemis Dux est acclamatus. Diu
honorem a se remove conatus, auxit desiderium
tam boni Principis ; adeò omnes Imperio dignum
existimant, qui potest imperium respuere. Ad-
ministrationem à concordia cura aggressus, discor-
des in Bohemia Dynastas conciliavit, scripto mili-
te, qui contumaces in officio contineret. Nec
sat habuit domi turbas cavere, foris etiam quietem
quæsit, icto cum Emerico Hungarorum Rege
fœdere. Posthæc Petrum titulo Sanctæ Mariæ in
Via lata Cardinalem à Cælestino III. Pont: Max: in
Bohemiam legatum pro dignitate excepit, collatòq;
cum illo studio collapsam Clericorum disciplinam
resti-

restituit. Hac agentem gravis morbus invasit, quo cùm premeretur, ad se accersitis Bohemis Proceribus, Principatu se voluit abdicare. Ea vox à circumstantibus lacrymas extorsit, clamatumque ab omnibus est, nè filios Parente ante horam orbareret. Nec stetit hic Bohemorum in Principem amor: sumptis armis Primislaum, auditâ Henrici ægritudine, Regnum affectantem Bohemiâ extrudunt, & Wladislaum Fratrem in prælio captum carceri addicunt, nè novis rumoribus optimi Principis quietem turbet. Omni adepto honore gloriosior fuit hac Henrici de Principatu deponendo voluntas. Nunquam ità gloriosè regnâisset, si ad mortem usq; regnare voluisset. Accessit & aliud ad laudis incrementum. Annonâ laborabat Bohemia. Henricus privatâ pecuniâ frumentum coëmit, & largitiones in egenos facere instituit. Nemo tam cari Principis vitam, suæ jacturâ non servâisset. Egræ tamen, quò Medicorum consilio ad vires reficiendas concesserat, paulò post obiit.

Unus ex Pontificio ordine Bohemiam rexit,

fortè ante ipsum nemo melius.







W LADISLAUS III. BOEMORUM INTERREX XIII.

TE *Fratris decorat casus. Quem suppressit hostis,
Hunc miserum Pietas non sinit esse tua.*
Exulis ut cernis squalorem, protinus ostrum
Exuis, & Fratris hoc decus esse jubes.
O facinus! Regnum persape est casus habere,
Regnum alijs virtus cedere sola potest.

WLadislauſ, nè Regnum affectaret, à Bohe-
mis carcere conclusus, ab ijsdem, extincto
Henrico, è carcere ad solium vocatus est.
Nullius adeò afflictæ sunt res, quin meliora sperare
possit. Humana mutantur, sèque invicem adver-
sa, ac prospera excipiunt. Regni potitus unum
habuit, quo tristaretur. Primislaus Frater, eo
prælio victus, quo Wladislauſ captus est, quò de-
venisset, ignorabatur. Vide sævientis fortunæ
ludibrium. Paulò antè suis carus; timendus ho-
stibus, jam modò destitutus suis, ignotus alienis
miseram vitam famulatu Ratisbonæ sustentabat.
Subinde Messanæ in Sicilia extinctus est Henricus
VI. Augustus, qui Primislai felicitatem moraba-
tur. Sublato adversario, Fratre ad Regnum eve-
cto prodidit sese Primislaus, datisq; ad Wladislauſ
litteris, Frater Fratris aspectum, & colloquium
petijt. Ex condicito ad certum locum convenere,
U 2 habi-

habitu tamen longè dissimili. Wladislaus regijs ornatus insignibus, Primislaus squalida veste, pallore, ac macie peremptâ facie, promisso, impexoque capillo. Vix aliàs illustrius fraternæ charitatis exemplum illuxit. Wladislaus, ubi fratrem sic vidit, in complexum irruens ingemuit, & corporis sui oppositu visus est Fratrîs sordes voluisse abscondere. Deinde pulcherrimum facinus aggressus, exue, inquit, Primislæ, squalorem istum, & meo similem ornatum cape. Velut amissum paulò antè te deplorabam: Nunc talem te recipio, qualem Fratrîs oculi non sustinent intueri. In regnum ex ista calamitate felicior veni. Naturæ jura sequamur. Ego minor natu obsequar: tu senior impera. Jucundius mihi erit subesse tibi, quàm præesse cæteris. Excepta cum admiratione à Primislao hæc sunt; nec tamen dissensit. Res evulgata fidem non antè invenit, quàm Bohemiâ relictâ in Moraviam Wladislaus secessit. Nos miseros, qui commissa in Regnorum occupatione scelera facillimè credimus: Virtutem esse posse, quæ Regna contemnat, dubitamus. Adedò rara apud homines virtus est, adedò vitia communia.





PRIMISLAUS II.
 OTHOCARUS
 BOEMORUM REX III.

THE UNIVERSITY OF CHICAGO PRESS



THE UNIVERSITY OF CHICAGO PRESS
CHICAGO, ILL. 60637
1955

PRIMISLAUS II.

OTHOCARUS


BOEMORUM REX III.

IN tua certârunt fata, & furor impius hostis,
 Et pius in Fratris pectore clausus amor.
 Te patriâ hostilis dejecerat impetus; at Te
 Fraternus patriæ ad sceptrâ reduxit amor.
 Quo Fratris redimire comas voluere Bohemi,
 In caput hoc sertum transtulit ille, tuum.
 Vix alius simili præcinxit tempora fato.
 Prodigus Imperij vix amor esse solet.

FRaterno munere adeptus Principatum secundum Interregnum sustulit Primislaus. Certabant id temporis de Imperio Philippus Sveciæ, & Otho IV. Saxonæ Principes. Primislaus suis armis adesse coactus est modò Philippo, à quo Moguntia Regium frontis decus, modò Othoni, à quo Othocari cognomen accepit, non sinè inconstantia nota, si turbines, qui Rempub: agitabant, in aliquo constantiam permisissent. Sublato à Palatino Rheni è vivis Philippo, Othone ex Imperio ab Innocentio III. Pont: Max:, Rex, cum Germaniæ Proceribus Pontificis auctoritatem secutus, Fridericum II. Sicilia Regem in Cæsarem elegit, armisque juit; donec, illo humana divinaque concu-

culcante, sensit orbis terrarum, quàm funestum
Ecclesiæ anguem ignari Pontifices fovissent. Er-
go anathematis ignominiâ ab Honorio III. Pont:
notatum, imperiique jure exutum Primislaus quo-
que deseruit, publico bono privatæ utilitati præpo-
sito. Post hæc Bohemiam suam Rex, pijs ædificijs
exornare aggressus, duo inprimis magnifica Pragæ
cœnobia extruxit; majore dignus præconio, nisi ab
arrepto pietatis calle deflectens in Sacerdotum bo-
na repentè involâsset. Unde ab Andrea, Episcopo
Pragensi, meruit anathemate notari. Diu non ab-
errat, quem pravorum potiùs hominum consilia
abducunt, quàm voluntas; nec perpetua sunt vul-
nera, ubi amor est sanitatis. Repentino terræ mo-
tu, tum Strahoviensis Abbatis oratione, nec non
Pontificij oratoris minis excitatus in viam Primi-
slaus redijt, eo pietatis ardore, ut pulcherrimis faci-
noribus inustam maculam deleverit. Primislai
pietati debemus aras, quibus Procopium virum
natione Bohemum, sanctimonix famâ illustrem,
veneramur: Illo petente, sacris Procopium
factis Innocentius III. Pont: Max:
adscript.







WENCESLAUS III.

OTHO CARUS LUSCUS

BOHEMORUM REX IV.

Cæsaris ira tuî turbat primordia Regni.
Illa eadem Cives dilacerare student.
Nè vis ulla mali desit, natura rebellat,
Et rotat in Regem filius arma Patrem.
Tu tamen evincis, perfringis Cæsaris iras,
Et natum & Cives ponere tela jubes.
Felix sorte tua. Tutus nunc aquora curre;
Tempestas ipso in littore victa jacet.

A Primislao Parente puer coronam accepit. Patre extincto, cum Friderico II. Cæsare similitates vel invitatus exercuit. Impatientissimi hominis vim vi repulit, virtute gratiam impetravit. Cæsari reconciliatus ejus auspicijs in Austriam duxit exercitum, & Viennam cepit, quam deinde viginti aureorum millibus redemptam Friderico, Austriæ Duci, restituit. Bellica virtute partam pecuniam congiari loco militibus distribuit, additâ Rege dignissimâ voce: Liberalibus liberaliter omnia affluere. In Bohemiam reversum domestica excepit procella. Improborum hominum conjunctione incitatus Primislaus filius, Moraviæ Marchio, Regnum petebat. Bohemia commissam

Patrem inter, & filium pugnam deploravit, in qua filij vires Parens fregit, felici victoriâ, nisi de civibus, ac Filio referenda fuisset. Victum Moraviâ exuit, & carceri addixit. Eadem tempestate Tartari, Gens Scythica, Batto Duce Moraviam ingrelli ferro, flammisque Regionem vastabant. Rextuendæ Provinciæ Jaroslaum Sternbergium præfecit. Hic natalium splendorem virtute exornans, barbaros occidione occidit, relatisque ex illorum Imperatore opimis spolijs docuit, posse vinci eam gentem, quæ totam ferè Asiam victorijs emensa, Europæ terrorem injecerat. Wenceslaus victoriâ lætus, filio in gratiam recepto Moraviam restituit, cui tamen Capitanei nomine præesse voluit Sternbergium; nè tanta virtus sinè novo honore illuxisset. Sub hæc novis insidijs Rex Cælitum ope subductus, D. Francisco Pragæ templum dicavit, & ascitâ in partem pijllimi operis Agnete sorore, Virgine DEO sacra, Xenodochium ad Pragensem pontem institutâ virorum, quos à rubra cruce nominamus, familiâ, fundavit. Obijt ætate jam gravi ex Venatione, quam intempestivus instituerat, contracto morbo. Othocarus ex Patris cognomine dici aliquando voluit, sed amisso in venatione oculo, ex infortunio Luscus dictus est.







PRIMISLAUS III.
 OTHOCARUS
 BOEMORUM REX V.

EX votis *Fortuna tuis dare vela videtur,*
Ceca tuo nutu, luminibusque regi.
Ut libet, aspirat. Tibi Balticalympha ministrat,
Servit & Adriaco, lympa superba, sinu.
Plura tibi votis offert DE A Regna; potesque
Fascibus Imperij velle carere datis.
Heu nimium ne crede DEÆ. Que prodiga donat
Regna, sitit venas sanguinis illa tui.

Superiores Hic & animi magnitudine, & ditione
 superavit. Regnum, quod Hercyniâ Silvâ ferè
 conclusum à majoribus acceperat, ex Mari Bal-
 tico ad Adriaticum finē, vel bello, vel pretio prolatis
 finibus, amplificavit, eo apud nationes omnes in ho-
 nore, ut oblatum Romani Imperij culmen, elato su-
 percilio, despicere potuerit, velut infra dignitatem
 suam positum. Prutenos, per summum scelus, in
 Christianam Religionem bacchantes, ex Rom. Pon-
 tificis voluntate, armis ad pietatem trahendos sus-
 cepit, & victor iussa facere coëgit. Magnificè de
 Prutenis triumphanti nova de profligatis ad Thajam
 Hungaris, alióque prælio Possonio capto, laurus ac-
 cessit. Æquè fortis in prælio, & domi pius turpem
 Flage-

Flagellatorum hæresim , ex Saxonia in Bohemiam
repentem , ferro flammisque extinxit. Ex Hun-
garicis manubijs sacram in æde summa Pragensi
supellectilem exornavit: Monasterium, cui ab Re-
gia Corona nomen est , extruxit, corona ipse dignif-
simus. Nihil bellica felicitate inconstantius: nulli
arbori facilius surculus inferitur , quàm Læro cu-
pressus. Romanum in Imperium , quod impru-
dens neglexit Othocarus, Germanorum Principum
suffragijs , ascitus est Rodolphus , Comes ab Habs-
purgo , Regiæ Othocari aulæ præfectus. Elevati
non illibenter eos premimus , quibus aliquando in-
feriores stetimus: rursus, errore non dillimili, quos
aliquando infra nos habuimus, etiam mutatâ fortu-
nâ despiciamus. Hinc exarsere gravissimæ Rodul-
phum inter & Othocarum simultates. Ille Otho-
cari potentiam conabatur infringere: Hic Rodul-
phi authoritatem eludere. Ad Lavam, majori per-
tinaciâ, quàm vi commissum est prælium. Anci-
pitem Victoriæ Milotæ proditio , qui sinistrum ab
Othocaro cornu regendum susceperat , ad Cæsa-
rem inclinavit. Itaque cecidit in communi suo-
rum strage Othocarus, hostium, nè dum Bohemo-
rum lacrymis lugendus. Neminem inter Bohe-
miæ Reges liberaliùs fortuna promovit,
neminem leviùs dereliquit.







84

WENCESLAUS IV.
OTHOCARUS PIUS
BOEMORUM REX VI.

M*Artem alij fortes tractent, belloque triumphant;
Sinceras artes tu pietatis ama.
Hac duce prosternes hostes, victorque retundes,
Qua scelera exacuunt in caput arma tuum.
Non minor est oleæ, quàm lauro splendor. Inermi
Plus est, armatâ, quàm superare manu.*

Pulcherrimam optimi Principis formam in se expressit Wenceslaus, cognomento Pius. Octennis à Patre relictus, Rodulphi Cæsaris voluntate, in Brandeburgensis Marchionis tutelâ, ad quintum decimum ætatis annum, vixit. Post hæc Regnum iniit, & ingenti gaudio absterfit mœstitiâ, quam ex Gubernatorum avaritiâ Bohemi contraxerant. A pietate administrationem exorsus, Matrem in gratiam recepit, cujus crimina poterat odisse. Subinde Juditham (Bonam alij vocant) Rodulphi Cæsaris filiam duxit, Egrâ aliisque Misniæ, ac Lusatiæ Urbibus dotatam. Hæc gaudia secutus timor turbavit. In optimi Principis caput à facinorosis conjuratum est; sed ille, assiduus in Cælites officijs, evasit periculum; nec sinè incremento virtutis, in qua cohonestanda deinceps cer-

tatum est. Germani Imperium, Hungari, & Poloni Regnum sponte detulerunt. Imperij fasces venerari maluit, quàm tractare. Hungaris Wenceslaum filium Regem dedit: Poloniam administrandam ipse suscepit, & munitâ Cracoviâ, primus in Regnum illud argenteam monetam induxit. Statuerat temerariam illius temporis in Bohemia judiciorum licentiam, sanctissimis latis legibus, cohibere, & gymnasium, in quo humanitatis artibus ingenui excolerentur adolescentes, excitare. Utrique consilio intercessere ij, quibus incerta omnia esse, & nihil sapere lucrum erat. Pulcherimæ vitæ periodum exitu conclusit eleganti. Filium, quem Regno substituebat hæredem, moriens allocutus, & pietate Principis in DEUM, & eorum, qui à Consilijs sunt, probitate Regnum, suam mole cæteroqui ruiturum, stare affirmavit.







WENCESLAUS V. JUNIOR BOEMORUM REX VII.

O Scelus! ò facinus, quæ dira licentia ferri?
Itur in immeriti pectora clara Ducis.
 Nondum maturus Regno Rex occidis. Ipso
Te rapit in laudis flore cruenta manus.
 Invideat fortuna licet; te novimus. Uno
Ex flore arguimus, quas alit arbor opes.


Brevissimum Regnum peracerbâ morte conclusit Wenceslaus Junior. Hungariæ Coronam duodennis, authore Patre, cùm accepisset, eodem suadente, altero anno deposuit. Post hæc, Parente optimo orbatus, Bohemiam potiùs, quàm paternam virtutem ad se pertinere visus est, puerili levitate, existimâsse. Itaque juvenibus in consilium adhibitis, planè ferociter Rempub: cœpit administrare. Non aliunde certior, vel salus, vel ruina juveni Regi imminet, quàm à Consiliarijs. In bonos si incidat, inoffenso pede, ad gloriæ culmen rapitur: malos si offenderit, graviore illius indoles vulnere tentatur, quàm quod medicinam facilè patiatur. Tandem ad meliora, seniorum consilio, revocabatur, & indoles, cui nihil, præter educationem, ad omnem præstantiam deesse videbatur, polliceba-

licebatur eximia. Scripto exercitu in Polonos expeditionem susceperat, non sinè spe Regni illius obtinendi, in quo Pater regnaverat, cùm in ipso rerum apparatu ereptus est. Olomucij, sicarij manu, incertum cujus scelere, occubuit, & desierunt cum illo viri nobilissimæ Familiæ, quæ à Primislao, quarto Bohemorum Duce, propagata, ab Anno dccxxii. ad mcccvii. perpetua serie, Bohemorum Duces, ac Reges educaverat. Regis necem, & quia in acerba ætate, & quia sinè prole, & quia per summum scelus vivere desijisset, etiam ij deplorârunt, qui diffluentem Regis adolescentiam potiùs accusare, quàm ex indole meliora sperare volebant. Æquiores in mortuos sumus, quàm in viventes:

Quos præsentis fastidio quodam negligimus,
sæpe ereptos, cum luctu, desideramus.







RODULPHUS I.

M I T I S

BOEMORUM INTERREX XIV.

Austria te primum populis generosa Bohemis
Præficit, & Genti nobile sternis iter.

Sis bonus ò, felixque tuis. Cape clara, Nepotes

Qua longo tractent ordine, sceptra, tui.

Quàm bene, quòd Mitis violentas oderis iras.

Quâ Pater, hac Regnum diriges arte Nepos.

Post Wenceslai necem, comitia à Bohemis habitata sunt, quæ factionum pertinacia cruentavit. Coronam alij Henrico Carinthiæ Principi, alij Rodulpho, Alberti I. Cæsaris filio, deferabant. Illi Anna Uxor, Wenceslai Pij filia, hæreditario jure, Regnum asserebat. Huic Cæsaris auctoritas, suffragiorum multitudo, & inita à Wenceslao Pio, post Parentis casum, cum Rodulpho Cæsare Victore fœdera patrocinebantur. Rodulphus rerum potitus tandem est. Itaque primus Hic ex Austriaca Familia, Bohemiam rexit, quam longo deinde ordine Nepotes, felici administratione, bearent. Pragam ingressus, minùs circa se frequentes Proceres vidit, nec ignoravit Henrici studio aliquos abduci. Patris nomen, non tyranni cum amaret, maluit æquissimum dolorem coque-

Z 2

re,

re, quàm ulcisci. Nec alias omisit artes, quibus Bohemorum animos devinciret. Elisabetham, Wenceslao Pio viduam, Bohemis morum probitate commendatissimam, sibi matrimonio junxit: contractum ab ultimis Regibus æs alienum gravissimum, nullo novo indicto tributo, ex suo, dissolvere instituit. Itaque Mitis meruit appellari. Quædam ingenia facilius frangas, quàm flectas. Procerum nonnullos nullis artibus potuit demulcere Rodolphus. Quare gravioribus uti remedijs coactus, in Straconicensẽm Dynastam signa movit, & Horazdiciũ, quod se ille receperat, vallo circumdare, & aggere, atque operibus oppugnare adortus est. Res à milite strenuè dum promovetur, Dux sive æstivis fructibus, sive veneno exanimatur. Regiam coronam solenni ritu non accepit. Quare, etsi Regio titulo dignissimus, Interregibus tamen adnumeratur.





HENRICUS II.

BOEMORUM INTERREX XV.

Huic artes placuere mala. Modò regnet, in omne
Non timet ire nefas.

Et tamen è solio rapitur. Quà stare laborat,
Hac ruit arte scelus.

Alberti Cæsaris obitus huic ad solium viam aperuit. Jam, Rodulpho extincto, Fridericum filium, natu minorem armatus in Bohemiam ducebat Cæsar, cum à Joanne Fratris Filio interemptus est. Quare Fridericus, ut Imperium ambiret, Regnum neglexit, quod armis occupavit Henricus, Carinthiæ Princeps. Principia ejus Imperij moderata, Procerum metu. Cæterum, qui virtute Regnum retenturum se vix speraret, fraudibus firmitatem quæsit. Ergo quidquid auri, argentique corradere potuit, in Carinthiam clàm transmisit. Adversarijs suis æmulos opposuit, quos ex fæce Civitatis in fastigium evexit. Inter Ordines discordiarum semina jecit, callidèque nutrit, ut mutuò dissidentes minùs in Principem valerent. Subinde satès, ad crudelitatem exercendam, virium paratum credidit. Itaque comitiorum nomine, jubet Proceres adesse. Comititia in Judicia repentè mutat, & quos timet, fictis criminibus damnat. Levissima illorum visa est pœna, quos

quos iussit mori. Multos ex prima nobilitate tam
diu carcere detinuit, donec cum plebe matrimonia
inirent, inustâ familijs notâ. Præcisâ arbor pluribus
ramis repullulat, & Regia crudelitas auget inimi-
corum numerum, tollendo. Crediderat hoc re-
medium Henricus, & fuit venenum. Viri fraus
cognita auxit hostes, & Proceres perpulit, ut Regnū
homini abrogarent. Itaque ad Henricum VII. Cæ-
sarem Oratores legant, suadentque ut datâ Joanni
filio Elisabethâ, Wenceslai Pij Filiâ, natu minimâ,
Henricum eijciat, & Joannem Regno præficiat. Si
quis alius, hic suo malo docuit, Regna nec
rapinis, nec civium cæde stabi-
liri.





JOANNES
BOEMORUM REX VII.



1861.

1861.

JOANNES


BOEMORUM REX VIII.

E*te Martis amor violentus corripit : ardor
 Bellicus in laudes Martia corda rapit.
 Nec pateris languere faces ; licet improba certet
 Fortuna , atque oculos caca tibi rapiat.
 Quin oculis cassus bellum traducis in Anglos ;
 Et pubem cecus ductor in arma praeis.
 Virtutis monumentum ingens. Se lucida , virtus
 Jacturam Solis spernere sola potest.*

JOannes in dotale Regnum , Paternis armis, indu-
 ctus, ferè puer in expugnatione Pragensis Civi-
 tatis ejus militiæ posuit tirocinium, quâ maximis
 Ducibus meruit adnumerari. Coronâ, solenni
 pompa, à Moguntino Archi-Episcopo inauguratus,
 inter primum imperij rudimentum, multa in Ma-
 gistratibus, muneribusque mandandis fecit, quæ
 deinde facta nollet. Faciles calumniatoribus au-
 res dum præbet, & Procerum multorum, & uxo-
 ris innocentiam læsit; Caroli verò Filij indolem no-
 bilissimam tantum non perdidit. Domitiani ea
 vox semper laudabitur. Princeps delatores non
 castigans, irritat. Interea annis auctus, factum
 ad militarem gloriam ingenium armis cœpit exer-
 cere. Bella gessit, eâ felicitate, ut quocunque se
 intulisset, haud dubiam victoriam secum trahere

videretur. Ex copralio, quo Ludovicus Bavarus
Fridericum aemulum Imperij vicit, multa hostium
cade cruentus, Henricum, Friderici fratrem, ca-
ptivum in Bohemiam duxit: Lithvaniam, ac Po-
loniam semel ac iterum ferro; flammisque vasta-
vit: Italiam pestiferis Gibellinorum, ac Gvelfo-
rum factionibus turbatam, quâ consilio, quâ fer-
ro pacavit: Misniæ Marchionem, Lusatiâ; Austriæ
Ducem, multis oppidis victor multavit: Silesiam
fiduciariæ possessionis fecit, Regnóque adjecit; Du-
cum, qui illâ potiebantur, fide Bohemorum Regi
obligata. His victorijs ad majora incensus aggres-
sus est facinus, quod quia tentatum scimus, cre-
dimus potuisse tentari. Contracto ex Lithvani
aëris inclementiâ, & Medici imperitiâ aucto mor-
bo, utrumque amiserat oculum, cum ab illo Philip-
pus, Galliarum Rex, arma in Anglos imploravit.
Joannes, cæcitæ minimè retardatus, copias in
Anglos duxit, cæcus primo in ordine decertavit,
cæterisque fugâ dilapsis maluit servato gradu glo-
riosè occumbere, quàm fugâ salutem consulere. Vir
bellica virtute clarus, frequentibus tributis
indictis, plebi gravior perijt, quàm
vixit.







THE
LIBRARY
OF THE
MUSEUM OF
ART AND
ARCHAEOLOGY
OF THE
CITY OF BOSTON

CAROLUS

IMPERATOR

BOEMORUM REX IX.


C*Arole cū belli, cū pacis munera tractas,
Ambiguum reddis, quī magis arte vales.
Hostes seu terret, Cives seu flectit amica,
Eximia virtus culmina laudis adit.
Quā sis laude magis dignus, Musa ambigit. Unum
Certum habet: est dignum Cesare quidquid agis.*

IN hoc, quod carperet livor, perpetuus felicitatis comes, vix invenit. Regnante adhuc in Bohemia Joanne Parente, ad Rom: Imperij gubernacula vocatus, primus eam dignitatem cum Bohemix corona conjunxit. Puer in Caroli Galliarum Regis, affinis sui, aulā educatus, & primam ætatem litteris, pietatēque excoluit, & Caroli Valesij filiam, Blancam, in Uxorem accepit. Adolescentiam in armis egit, assiduus paternorum bellorum, ac victoriarum comes. A Patre, ætatis anno sexto decimo, rebus in Italia præfectus, & paternas Urbes armis tutatus est, & initam à Mediolanensibus, Veronensibus, Ferrariensibus, ac Mantuanis conjurationem acie oppressit. Eo prælio Ferrariæ Marchionem cepit, primoque ac secundo equo hostilibus armis confosso, ab ingruentium hostium telis

impe-

impediri non potuit, quia tertium conscenderet. Inter Imperij ejus initia, Nicolaus Rentius, scriba populi Rom: multitudine ad spem libertatis erectâ, tribunitium nomen, ac potestatem Imperatoriam Romæ invasit. Hunc Carolus victum ad Clementem VI. Pontifi: Max: Avinionem misit, asserens turbulentos Cives, & Romani Pontificis hostes à Cæsare opprimendos esse, non fovendos. Bohemiæ amantissimus, quod facilius illius esset administratio, provinciam universam in duodecim Regiones divisam totidem præfectis commisit. Novam Pragam condidit: Antiquam, instaurato in eam, quam merito hodie suspicimus, formam, ponte exornavit: Parvam mœnibus cinxit. Carlosteinum, Regiæ Coronæ asservandæ destinatam arcem, à fundamentis duxit. Danubium in Moldavam immisisset, ingenti Bohemorum commodo, nisi Austriæ damna obstitissent. Non semel divinâ ope nefarijs conjuratorum conatibus ereptus, obiit septimo, & sexagesimo ætatis anno, gloriosior, nisi Wenceslao Filio Imperium ab Electoribus enisset. Extinctum lamentatæ sunt Musæ, quas ille quo in loco haberet, & extractum, Pragæ disciplinis omnibus Gymnasium, & Bartolus Juris peritissimus splendidè à Carolo semper habitus, & Zenobius, Florentinus Poëta, laureâ ab eodem donatus testantur.







WENCESLAUS VI.

CÆSAR PIGER

BOEMORUM REX X.

Cum Te nascentem miseranda Bohemia vidit,
 Hos lachrymas inter, protulit ore sonos:
 Heu, qua corrumpet Regnum, te Principe, pestis?
 Heu, quantum populi pectora vulnus alent?
 Sed bene consuluit miseris DEUS. Austria Regem,
 Olim qui curet vulnera, fausta dabit.
 Evenit. Curat FERNANDUS vulnera. Regno,
 Te Duce, qua periit, hoc Duce forma redit.

Wenceslaus, ob inertiam Pigri cognomen adeptus, adhuc in cunis Bohemi Regni coronam à Patre: Imperij insignia, decimum quintum agens annum, à Septemviris accepit. Vix illo corruptior, vix illo crudelior; adeò verum est: effrenes amores, & sævitiam simili æstu fervère, eodémque esse Nerones, quos sine discrimine furor agit in cædes, & amor in stupra: eosdem Antonios qui inter cænam proscriptiones dictant, & pellici postponunt imperia. In omnem turpitudinem abjectus lectissimæ Conjugis monita non tulit, Sacerdotémq; sanctissimum in Moldavam projecit, quia maluerat Sacramentum servare, quàm ea aperire, quæ à Regina, animum expiante, acceperat. Jam,

lævitæ mancipium , lateri affixum carnificem semper habebat , nunquam lætior,quàm cùm Civium, Procerùmque sanguine foedum compatrem suum (sic carnificem appellabat) intueretur. At neque Germani, neque Bohemi diu tantum dedecus tulerunt. Illiquidem, Pontifice Romano annuente, Imperium inepto abrogârunt; hi nefarium carcere damnârunt, à quo tamen bis erupit, ingenti Reipub: damno. Monstroso sub Principe , monstra duo apparuere. Germania Bombardas, militaris virtutis, corporùmque exitium edidit. Bohemia Joannem Hussum , Religionis labem , & animorum perniciem tulit. Hic, erroris Magister, contractum ex Wiclefi insania venenum in Bohemorum animos effudit. Hoc verò, ut reliqua , negligente Wenceslao , tanta pestis incrementa fecit, ut vix postea Ferdinandi II. Cæsaris pietas malo mederetur. Excessit neglectæ Religionis documentum, apoplexiâ tactus, à DEO, & Rege deficientibus Hussitis.







SIGISMUNDUS
IMPERATOR
BOEMORUM REX XI.

T*Erram alij curent , Regnorum & jura ; Tueri
Te cælum, & Superùm calica jura decet.
Bello iterum calum tentat terra impia proles.
In scelerabac , fulmen tu , Jove major , age.
In cinères abeant pestes. Licet obstrepat Anser ;
Fas tamen est hydras igne perire novas.*

Sigismundus, Caroli IV. ex Elisabetha Filius, post Wenceslaum Regnum cepit, dignissimus, qui in longè alia tempora incideret, quàm in ea, quibus scelere licere omnia damnata Hussitarum superstitione volebat. Puer adhuc à Parente Marchiâ Brandeburgicâ donatus est, & à Ludovico, socero, Pannoniæ Regnum dotale, cum Maria Uxore accepit. Imperium ipse sibi dedit, insolito ad eam diem suffragio; Rogatus enim in Comitijis, quem dignissimum Imperio censeret, se ipsum nominavit, cæteris non dissentientibus. Ardebat intestinis Hussitarum in Catholicos odijs, eo tempore, Bohemia, & pulcherrimum Regnum, suis præcipuè manibus, miserandum in modum lacerabatur. Nullum monstrum æquè humanum sanguinem sinit, ac hæresis. Sigismundus tentavit plurima, ut à ruina

à ruina Regnum contineret, sed nec blanditijs, nec
minis deplorata ingenia sanavit. Bella meliore cau-
sâ egit, quàm fortunâ. Ad Nicopolim cum Baja-
zeto confligens, fugientibus vano terrore Hunga-
ris, victus: à Zisca Hussitarum Duce sæpius fugatus
est. Cæterùm, pius in paucis, insigne in Christia-
num orbem contulit beneficium. Universam fe-
rè Europam peragravit, ut Christianæ Reipub: Pa-
tres Constantiam adduceret. Quo in Concilio
pestiferum sublatum est schisma, Martino V. com-
muni omnium consensu, Pontifice creato. Eo-
dem Patrùm conventu, jussi de Hæresi causam di-
cere Joannes Hus, & Hieronymus Pragensis, in er-
rore pertinaces igne damnati perierunt. Non dis-
similem operam Basileensi conventui præstabat Si-
gismundus; sed Philippi Vice comitis fraude, cor-
ruptos Patres in Pontificem lascivire cum audisset,
antequam conventus ille monstrum pareret, ab ejus
tutela destitit, insigni laude pietatis. Excessit,
summa cum fama liberalitatis, adversus omnes,
eosque inprimis, quos & pietas, & sapientia
exemisset à vulgo.





Cc

AL-

THE UNIVERSITY OF CHICAGO



ALBERTUS
IMPERATOR
BOEMORUM REX XII.

Huic lacrymas debes, longosque Bohemia fletus,
Vix tibi concessum, quem rapit atra dies.
Hic poterat miseris Regnum dissolvere curis,
Religio poterat quo rediisse Duce.
Sed Superis aliter visum. Stant ordine fata,
Atque suo properat tempore adesse salus.

Bohemorum Procerum suffragia, & suprema Sigismundi Cæsaris voluntas Albertum, Generum, Austriæ Ducem, Bohemiæ præficiunt. Virtutem ambiunt honores, quos illa seipsâ contenta negligit, sinè jactura. Brevissimo tempore ab Alberti virtute Hungariæ, Bohemiæ, & Imperij coronæ decus acceperunt. E cælo delapsus ad erigendam collapsam in Bohemia Religionem hic videbatur, & boni omnes spei suæ securitatem in hoc sitam esse arbitrabantur: sed caducum est, quidquid humanitati, suo pondere in casum properanti innititur. Vix secundum egerat in corona annum, & moriens Bohemiæ felicitatem abruptit, quam sapientissima moderatione inchoaverat. Regni possessionem cum adiret, Hussiticæ factionis consilia infregit, & Taboritarum animos, præteritis sub

Zisca victorijs, elatos, virtutis opinione veriùs,
quàm militum robore, prostravit. Principis
optimi mortem funestus cometa præcessit, can-
démque Solipse atratus in Eclipsi vel significa-
vit, vel deploravit.







LADISLAUS

BOEMORUM REX XIII.

Cæsaries Juveni Regi micat aurea. Morti
Proximus, abscindi fila decora jubet.
Incipe mæsta tuos lacerare Bobemia crines,
Quæ gemis ad clari clara sepulchra Ducis.
Scinde comam. Hoc poscit Regis coma scissa tributum,
Hoc dolor, è tanto funere natus, amat.

Alberto Posthumus, ex Elifabetha, Sigismundi Cæsaris Filia, nascitur Ladislaus, Paternarum virtutum imago absolutissima. Quartum agebat in cunis mensem, cum Hungariæ coronam accepit, urgente matre dignitatem filij; adeò moræ omnis impatiens amor est. Bohemiæ Regnum, eâ ætate, accepit, quâ virtutis præmium, non fortunæ munus, potuit corona videri. Liberalitatis studium, supra quàm ætas caperet, in illo emicuit. Sexennis, militi cicatrices ostentanti, & defensæ à Turcarum impetu Hungariæ præmium exposcenti, paucos, quos à Friderici, Tutoris famulo nummos extorsit, illico dedit; addens Tutoris in potestate positum dare quod posset, non quod vellet. Liberalitas animi virtus est, nec tenuitate muneris imminuitur. Veræ Religionis acerrimus defensor adduci nunquam potuit, ut hæreticæ superstitionis ministros sereno vultu aspiceret. Res
 secun-

secundæ tantam Religionem exceperunt. Illo Hungariæ Rege , compressus est ad Taurunum Turcarum impetus , qui Mahometo Duce , expugnata Constantinopoli , universam jam Europam spe devoraverant. Septimum supra decimum agebat Ladislaus annum , cùm de tradenda illi in matrimonium Margareta , Caroli Galliarum Regis filia , actum est. Irrita cecidère omnia , repentinâ ferè morte , adolescente Rege sublato , nec sine suspicione veneni , quod hæretici propinâssent. Nihil in illo ad Regiam dignitatem defuit , nè corporis quidem elegantia. Comam auream planè habuit : moriturus amputari iussit , nè fulgor ille animum excæcaret. Ultima ejus vox semper laudabitur. Podiebradio , Regni Gubernatori , Regnum cùm commendaret ; extremum , inquit , hoc in me beneficium confer Georgi. Æquus in omnes , viduas , ac pupillos tuere. Ego sic vixi , ut cælum mihi negandum non putem. Tu cave , à meis vestigijs nè deslektas. Hæc ipse. Homini-
bus inflicta pœna hæc est , ut nihil præclarum
diu apud illos maneat.







G E O R G I U S P O D I E B R A D I U S B O E M O R U M R E X X I V .

O *Miseras hominum pœnas, ô damna. Bonorum
Nulla diu terris vena benigna fluit.
Excedit Jurvenis folio Rex optimus; Hujus,
Ut tractet Regni Sceptra, nefanda manus.
Heu dolor. Ut spinis crescat Paliurus acutis,
Candida funestus lilia turbo metis.*

NUnquam plures, aut præstantiores Bohemix Regnum candidatos vidit, quàm Ladislao mortuo. Nè externo alicui suam deberet incolumitatem Bohemia, domestico prope modum perdenda commissa est. Georgius Podiebradius, ex Bohemis Proceribus Regnum tulit. Hussitarum veneno infectus, coronam legitimè accepisse ut videretur, populósque ad Sacramentum adigeret, pestiferum dogma, quod corde fovebat, ore execratus est, seque Romanæ Religionis fore Tutorem, ac Vindicem jure jurando spondit. His artibus deceptus, cùm in illius electionem Romanus Pontifex consensisset, homo, simulandi, ac dissimulandi faber egregius, personam deposuit, & ingratus, ac perjurus Romanam fidem oppugnavit, quam, Regni ut potiretur, imploraverat.

verat. Sæpe à Pontifice Maximo frustra de officio
monitus, quem Patrem contempsit, judicem pas-
sus est. Paulus II. solenni inustâ notâ Regnum hæ-
retico abrogavit. Perpetuis, hoc Principe, bellis
Bohemia attrita est. Silesia, Moravia, Lusatia,
Bohemiæque Civitates nonnullæ hæreticum Re-
gem non patiebantur. Matthias Hungarorum
Rex Pontificis sententiam armis propugnabat. Nec
mitiùs egissent in transfugam Germani Principes,
nisi ille, pessimis artibus, eorum vires fregisset. Se-
ditiones, ac discordias inter suspectos sibi Dynastas
excitavit, & alienâ ruinâ prospexit incolumitati suæ.
Christianam in Bohemia fidem ferè oppressit, & ta-
men, tanquam Religionis Assertori, in Tarnensi
templo Hussitæ statuam Pragæ Georgio dedicârunt.
Nunquam defunt, quos stultitiæ fuisse delectat.
Stetit dedecus illud ad Annum M. DC. XXVII. quo
tandem, ex senatus consulto, sacrilegi hominis de-
jectâ statuâ, eodem loco Ferdinandi II. Religione
in Bohemia restitutâ semper prædicandi,
simulacrum cœpimus vene-
rari.







W LADISLAUS IV.

BOEMORUM REX XV.

O *Placidi Regis Mores, ò larga bonorum
Dextera, & ò caci nescia corda doli.
Huic terram rexere pares, cùm candida virtus
Incolet, vitio non prohibente, solum.
Reddiderat terris calum secla aurea, Regi,
Vidisset cives, si probitate pares.*

W Ladislaum, Casimiri Regis Filium, Polonia Bohemis, & Hungaris Regem dedit. Vir utroque dignissimus Regno, neutrum finè adversario obtinuit. De Bohemiæ corona, cum Matthia Hunniade, cui deinde in Hungaria successit: de Hungariæ sceptro, cum Alberto Fratre, licet invitus decertavit. Ea die, qua cum fratre confligendum fuit, Petrum Sternbergium, Bohemi exercitus Imperatorem allocutus. Fac, inquit, memineris, in adversâ acie fratrem meum militare. Nefas est fratri nocere, vel malo; & erumpentibus jam lacrymis excessit è castris. Regni æmulis sublati, in Reipub: bonum plura conatus est, quàm perfecit. Bis senatum Pragæ creavit, bis Hussiticæ plebis insaniâ dejectum, concisumque. Animadvertisset in seditiosos gravius, nisi impar jam hæreticorum viribus, periculosum censuisset, Regno ostendere, quanto plures essent mali, quàm boni.

boni. Quod unum in tanta calamitate supererat;
populi scelera, assiduis lacrymis, detestabatur. Nul-
lum fraus, nullum aperta vis crimen habet, quod
optimi Regis in parricidium vel veneno, vel armis
hæresis non tractaverit, irrito tamen eventu; nè
sibi omnia licere impietas gloriaretur. Rex pro
Religione in Bohemia discrimina dum subit, pro
Rege in Hungaria pugnavit Deus. Ab Hungaris,
tam felicibus auspicijs, contra Turcas, Bosniam
deprædantes, inita est pugna, ut nè primum qui-
dem impetum barbari sustinuerint. Ætate jam
gravi, Anno, à Regno accepto, quinto, & quadra-
gesimo Wladislaus excellit. Rigidiores censores
donandi facilitatem, ex qua postea ipse coactus est
egere, in Wladislao accusant. Arguenda prodi-
galitas: acrius; nisi affinis esset liberalitati, & dies
illa Regi periret, quæ sine beneficio in ci-
ves decurrit.







LUDOVICUS

BOEMORUM REX XVI.

Parce pio vaga lympha Duci. Cui parceret hostis,
Hen Dominum perdet subdita lympha suum?
Hungaria hunc Juvenem serva. Nova ferta quotannis,
Ister, servato munera Rege feres.
Me miserum! Regem perimit, dum supplico. In aquor
Irrita, cum celeri, vota feruntur, aqua.

Bohemiæ, & Hungariæ Coronam, Reipaternæ
hæres, post Wladislaum Ludovicus accepit.
Vigesimo anno; hoc est, in ætatis flore extin-
ctus, eò majus desiderium sui reliquit, quò matu-
ra ætate majorem indoles proventum pollicebatur.
Erupit sub hæc tempora, virulenta Christianæ
Reipub: pestis, Lutherus. Ludovicus penè puer,
tuendæ Religionis supra ætatem studiosus, edicto
cavit, nè quid in subditis sibi Regnis de Religione
mutaretur. Pia adolescentis constantia damnavit.
impiam levitatem Christerni Regis Daniæ, qui pri-
mus Regum Lutherum secutus, tribus subinde
Regnis exutus à suis, documentum cæteris Regibus
esse debuit. Sera jam querela est, Christianorum
discordijs, & negligentia Turcarum Imperium cre-
visse, nostrumque otium illis fuisse negotiosum.
Solenni pompa agebantur Budæ Ludovici cum
Maria, Maximiliani I. Cæsaris filia, nuptiæ; cum ja-
Et 2 cturam

Eturam vel ferentibus, vel non videntibus Hungaris, Turcæ Belgradum, tutelam, ac propugnaculum Hungariæ expugnârunt ferè priùs, quàm oppugnarent. Adolescebat cum ætate Ludovici indoles, jamque digna non admiratione tantùm, sed etiam amore à barbaris ipsis habebatur. Solimannus, Turcarum Imperator, secundam in Hungariam expeditionem suscipiens edixit suis, nè quis præliantem in acie Ludovicum læderet, nè tanta virtus acerba periret. Cui hostis parcere decreverat, unda non pepercit. Profligatis à Turca Hungaris, dum Danubium trajcere conatur, undarum impetu abreptus, ac demersus occubuit. Tria in Ludovico prodigij loco habita. Natus Epidermide caruit: penè puer barbam emisit: canitiem decimo octavo ætatis anno contraxit.







FERDINANDVS I
IMPERATOR
BOEMORUM REX XVII.

*N*ympha, Czechiades Nympha, quas Moldaua in un-
Nutrit, & Hercynijs educat umbra jugis. (dis
Hoc niveis lata nomen signate lapillis,
Hoc tenero inscriptum cortice truncus alat.
Nescio, quid tanto latitat sub nomine. Ab isto
Nomine, quæ speret, multa Bohemus habet.
Hoc gemma, hoc arbor signetur nomine. Quamquam
Hoc magis inscribi nomine corda decet.

Ferdinandus I. ex Philippi, Castellæ Regis, &
Joannæ lectissimo conjugio, x. Martij, M. D. III.
Medinæ in Hispania natus, Ludovici morte, cu-
jus sororem Annam duxerat, ad Bohemiæ coronam
pervenit. Eodem tempore, ab Hungaris Rex di-
ctus adversarium habuit Joannem Vaivodam. Ro-
mano Imperio à Septemviris jam pridem destina-
tus, Carolo v. Fratrem, rerum humanarum pertaxo,
pro Augusto gerere se cœpit, Anno M. D. LVIII. Vir
dignissimus, cujus moderatione gloriarentur po-
puli, nec Imperium, nec Regna, habuit tranquil-
la. Vaivoda, Ferdinandi armis Hungariâ exturba-
tus, Solimanni Turcarum Imperatoris opem im-
ploravit, maluitque à Barbaro, & Christiani nomi-
nis

nis hoste Regnum supplex petere, quàm Regni cupiditatem abijcere; adeò placet vel turpiter præesse. Hinc cruenta Ferdinandum inter, & Solimannum venère prælia, innumerâ, ex utrâq; parte hominum multitudine cæsâ, direptâ, oppressâq; Hungariâ, detestanda. Per idem tempus Friderici Saxonis Electoris fraude, à legitimo Rege recessere Boëmi. Verùm à Carolo V. ad Locheranam silvam, victo, captôq; Saxone, facile ad officiũ contumaces redegit Ferdinandus. Hoc eodem Cæsare, graves in Imperio aluere turbas Lutherani, hoc perniciosiores hostes, quò callidiores stylo non minùs animos, quàm gladio corpora petebât. Providus Princeps & gladium gladio, & stylum stylo opposuit; quos cum transfugis in Sapientiæ præliũ committeret, Societatis JESV Presbyteros perbenevolè in Germaniam, Boëmiâmq; advocavit. Cæsareâ demum Regiâq; potestate in Christianæ Reip. bonum semper usus, nè Cæsaris quidem, aut Regis nomine abuti voluit. Mortem præfâgiens edixit, nè quis ab eâ illum horâ, alio, quàm Ferdinandi titulo compellaret. Poterat Cæsaris, ac Regis nomen negligere, qui virtute suâ effecerat, ut Ferdinandi nomen gloriosius usurparetur, quàm Cæsaris. Obijt sexagesimo primo ætatis anno, pulcherrimâ prole, in quâ duodecimus numeratur Carolus, pietatis, ac fortitudinis laude clarissimus, pro quo nihil non debet Ferdinando I. Boëmia, cùm ex illo Ferdinandum II. hoc est felicitatem suam acceperit.





MAXIMILIANUS II.

IMPERATOR

BOEMORUM REX XVIII.

H*inc procul ira, tumor, morum inclementia : durum
Siquid erit, facilis Principis odit amor.
Ut placidus fluit ore sonus ? dulcissima labris
Anne tuis Mater mella paravit apes ?
Omnia mitis agis placide. Hunc ego suspicor unum,
Nempe hominem, rigida nil habuisse fera.*

DE mortui Ferdinandi locum Maximilianus Filius adivit. Vir, qui humanitatis laudem optaret, adversus omnes mirè s'vavis, ac mitis. Præerat eâ tempestate, summâ, cum authoritate, sacris Pius V. Religionis vindex acerrimus, & illata ad Naupactum Turcis clade memorabilis. Hujus hortatu, ac ope Solimanno Hungariæ imminenti opposuit arma Maximilianus. Et anno quidem M. D. LXV. Duce Lazaro Schvendio, æquè armorum, ac litterarum perito, feliciter à Cæsarianis pugnatum est. Sequenti anno cunctantèr barbaris obviam itum. Itaque Sigetum naturâ, & manu munitissimum, insigni Serini Comititis virtute diu defensum, tandem expugnatum ab hostibus est xxiii. Septembris, eâ ipsâ die, quâ annos ante octodecim, Maximilianus Mariam Caroli V. Augusti Fi-

liam duxit, ex qua copiosam, magnique nominis prolem reliquit. Interea Religionis transfugæ audacissimi, qui per Hungariæ ruinas suam erigi posse superstitionem sperarent, ad nova circa Religionem statuenda Cæsarem urgebant. Ea præ cæteris Reip: periculosa sunt tempora, quibus hostili impetu pressus Princeps, subditorum populorum cogitur opem implorare. Tunc ea extorquentur, quæ dari nunquam deberent. Pestiferum hæreticorum gaudium Pij Pontificis autoritas turbavit. Ille à nefarijs consilijs Cæsarem vel absterruit, vel re-duxit. Post hæc, divisus suffragijs, à Polonis duo in Regnum vocabantur, Maximilianus Cæsar, & Stephanus Transilvaniæ Princeps. Sed Austriaco cunctante, Transilvanus celeritate Regnum obtinuit. Subinde Cæsar Principum conventum Ratisbonæ egit. In ea urbe extinctus, Rodolphum Filium in Imperio successorem, ut regnorum habuit hæredem. Demortui cadaver Pragam allatum, solenni luctu marmoreo Mausoleo in summa æde illatum est. Timidior in perstringendis Hæreticis habitus est Maximilianus: Sed fortè tempora vix minas ferebant; nec prudenter extrema primo loco tentantur.







RODULPHUS II.

IMPERATOR

BOEMORUM REX XIX.

Auspicijs accede bonis, Aquilisque secundis
Czechiadum, Princeps, Regia sceptrā cape.
Te Praga antiqua referet miracula Romæ
Principe, & inveniet orbis in Urbe locum.
Quos oriens, moriensque polo Sol despicit, una
Excipiet vasto Praga superba sinu.
Imperio natura parem Te condidit orbis:
Quem flectas Praga subditus orbis erit.

Fortunæ suæ parem hunc natura effinxerat.
 Aequilissimis viribus paternorum Regnorum, ac
 Imperij pondus subivit. Donec voluptati ad-
 versatus est, nulli Imperatorum secundus. Prin-
 cipatûs initio Belgicos tumultus meliore consilio,
 quàm eventu componere tentavit. Gebardum,
 Coloniensem Antistitem, desertâ Religione infamem,
 Septemvirorum Collegio ejectum proscrip-
 sit. Cum Amuratho, Turcarum Tyranno, fœ-
 dus percussit. Barbari fidem præstant, cum ne-
 cessitas cogit, parati frangere, quoties sceleris pœ-
 nam non timent; Vix aliâs graviora Hungariæ bel-
 la intulêre Turcæ, quàm hac tempestate. Itaque
 magnis prælijs decertatum est, & à Cæsarianis qui-
 dem

dem feliciter ; quandoquidem eo ventum est , ut
non tam barbaris damna inferre , quam ab illis illata
imminuere Christianorum felicitas credatur. Er-
go ad Slunum Croatiae oppidum acie victis , iterum
in Rixiensi agro caesis , demum ad Sisacum , quod
summa vi oppugnabant , turpiter fugatis , ingentiq;
clade attritis barbaris , Strigonia , Vicegradum , Ja-
varinum , eodemque victoriae cursu , oppida in
Hungaria permulta in ditionem Caesaris redacta
sunt. Nunquam ante Rodolphum florentior Bo-
hemiae status. Praga orbis compendium censi
poterat , confluentibus undique incolis , non tam
mercimoniorum lucro , quam Majestate Principis ,
aulaeque splendore invitatis. Floruere eadem in
Urbe per id temporis Mathematicae disciplinae , in
erudito illo pulvere ipso Caesare desudante , lauda-
bilius , si parcius. Princeps , cui nec in rebus bel-
licis felicitas , nec in pacatis magnificentia defuit ,
longioris Imperii pertaesus obijt , Anno quam im-
perare coeperat xxxvi. Moriens testatus fer-
tur , Principatus sui laudabiliora fuisse
prima , quam extrema.







1772

1772

MATTHIAS

IMPERATOR

BOEMORUM REX XX.

Hunc etiam *Austriacis adscribe, Bohemia, Regem;*
Facunda in Reges est Domus illa tuos.
Hic quoque par Regno est, Generisque simillimus aequat
Majorum titulos; Casarehunque decus.
Tu cave, nè hoc regnum turbetur Principe, motis
Fluctibus, aut patriam caca procella petat.
Ab quoties vidi, salvo rectore, relictam
Oceano pradam, turbinibusque ratem !

Vixerat Rodolphus; cùm Francofurti, habitis Comitibus, tertio Id. Jul. M. DC. XII. Septemviri Imperij Coronam Matthiae, Rodulphi Fratri, detulerunt, cui vivens Rodolphus Hungariae, & Bohemiae Sceptrum detulerat. Nemo laudabilius ad Sceptrum vocatur, quàm qui laboribus promeruit advocari. Ductis in Turcam copijs, Regisque in potestatem Novogradio reducto, Imperij coronam visus est promeruisse Matthias, antequam acciperet. Rerum potitus, pacatam potiùs laudem, quàm bellicam amavit. Nullum tamen illius facinus, aut magis Reipub: salutare, aut ad famae splendorem illustrius, successoris adoptione. Decessurus sine prole, sapientissimorum Im-

peratorum exemplo, Ferdinandum II. Patruelem
laudatissimum, adoptavit in Filium, Paternorumq;
Regnorum hæredem, à quo ea in Christianum or-
bem universum manârunt beneficia, ut qui Mat-
thiæ Ferdinandum debemus, eidem incolumita-
tem, ac felicitatem orbis debeamus. Sex omni-
no rexerat Bohemiam annos, cùm perditorum quo-
rundam infaniâ, nec non multorum errore, exci-
tata ea tempestas est, quæ plurimas Provincias in
rebellionem, veluti scopulum adegit. Præius
procellæ impetus Bohemiam concussit. Itaq; m.
dc. xviii. x. Kal: Junij, ex Regni Gubernatoribus
alijs proscriptis, alijs ex aulae fenestris in præru-
ptum solum dejectis, à conjuratis Proceribus ad li-
bertatem populus est vocatus, majore audaciâ,
quàm consilio. Qui præcipites acti fuerunt, ex
tantâ ruinâ incolumes, vili sunt primi significâ-
se, fore, ut Austriaca familia ex procella hac, non
modò incolumis, sed auctis viribus valentior emi-
caret. Matthias integrum ferè annum cum Rebel-
libus, vario eventu, luctatus, è vivis Viennæ de-
cedens, agitatae navis gubernaculum Ferdinando II.
reliquit, cujus felicissima pietas de func-
tissima procella triumphavit.





THE NEW YORK



THE NEW YORK
LIBRARY
OF THE
CITY OF NEW YORK

FERDINANDUS II.

IMPERATOR

BOEMORUM REX XXI.

Huic lauros nutrit tellus, huic militat æther:
Hujus ad arbitrium Mars ferus arma regit.
Huic longos optate dies. Hic Hercule major
Germanas hydraus, turpia monstra, premet.
Nec Palma hîc languent. Othomanna cornua Luna
Franget, & Imperium solus utrumque reget.
Auguror; & Pietas hoc spondet Caesaris. Unâ
Nata est impietas à pietate premi.

Ferdinandus II. divinæ mentis consilio, Orbis
saluti & felicitati destinatus, nascitur Græcij in
Styria ix. Julij, M. D. LXXVIII. ex Carolo Ar-
chiduce Austriæ, & Mariâ, Alberti Baviaræ Ducis
Filiâ, Conjugibus pijslimis. Prima ætate, ejus je-
cit fundamenta pietatis, quæ tantam illi fortunam
struxit, quantam inter Germanos Cæsares nemo
ante ipsum ausus est sperare, post ipsum omnes su-
spicient. Adolescens, Paternarum Provinciarum
hæres relictus, Lauretanam in Piceno sacram
ædem, Religionis studio adivit. Ibi, Numinis Ma-
gisterio edoctus, suam omnem operam in revocan-
dis ab hæresi subditis populis sanctè vovit. Damna-
tis exilio nefariæ superstitionis Ministris, rem feli-
citer

citer peregit. Sub hac Venetorum in Foro Julij infesta arma repulit. Ultimis Matthiæ Cæsaris temporibus, excitati ab Hæreticis Rebellionis motus, Hoc Imperium adeunte, planè in impudenti m eruperunt. Bohemi Fridericum, Comitem Palatinum Rheni, advocatum, Pragæ Regem acclamârunt: Hungari, Transilvaniæ Principem, Gabrielem Bethlemium Passonij Regem dixerunt: Reliquæ ferè omnes hæreditario jure Ferdinando subditæ Provinciæ ceciderunt à fide. Mitillimus Princeps, nè perdere cogeretur Cives, conatus est omnia: ut à civili sanguine temperaret, penè oblitus est potentiam suam. Vicit tandem clementiæ constantiam pertinacia sceleris. Illata sunt utrinq; signa, & præsentis Numinis ope, debellatis Rebel libus, honesta Cæsaris causa triumphavit. Nè malo exemplo disceret quispiam Reges contemnere, exigendæ post victoriam de victis pœnæ fuerunt. Hoc verò Victoris clementiæ tam grave accidit, ut ferè vicissè displiceret. Fridericus primarum in funestissima Tragœdia partium, qui alienum solum invaserat, suo insuper exturbatus, & Comitatu & jure suffragij ad Cæsarem creandum exutus est, Septemviri dignitate in Baviariæ Ducem Maximilianum translata, cujus ductu feliciter in Albo monte pugnatum fuerat, & recepta Praga. Ex reliquis conjuratis, multi carnifici collum dedere: multi bonis fisco addictis, proscripti sunt. Verùm numerum nocentū si subducas, plures Cæsaris

faris clementia servavit, quàm sustulit Justitia.
 Nemo damnatus est, nisi pertinax in injuria: pe-
 riere, qui noluerunt Ferdinando vitam debere.
 Qui petijt, impetravit veniam, & quidem statim
 post victoriam, quando iram acuit fortuna. Sub-
 inde cum rediissent ad fidem hæreditariæ Provin-
 ciæ, Daniæ Rex, alique Principes, vel restituendi
 Palatini studio, ut ipsi ferunt, vel nocendi libidi-
 ne, ut interpretantur alij, arma Ferdinando intu-
 lerunt. Novas Cæsari peperere palmas, qui anti-
 quas venerant extirpatum. Duo in Cæsarianis his-
 ce bellis planè miranda. Quoties collata fuerunt
 signa, toties Cæsar vicit. Hinc vox illa Cæsariani
 militis pugnas numerantis per victorias: Ferdi-
 nandi auspicijs militanti nefas esse, de triumpho
 dubitare. Alterum illustrius. Cæsarianis armis
 salus victis, non exitium procreabatur. Ubicun-
 que Ferdinandus vicit, de profligata hæresi, illico in
 devictarum Gentium animis vera triumphavit Re-
 ligio. Hæresim, quam nascentem adhuc Caroli
 V. arma opprimere nequiverunt, adultam jam Fer-
 dinandi tela in Germania oppresserunt. Nemo un-
 quā pugnavit felicius, nemo vicit salubrius. Bellicæ
 laudi par respondit pacis artibus comparata gloria.
 Propriam Principum virtutem, Liberalitatem sic
 coluit, ut pecuniam infra omnia haberet. Ex tot
 conjuratorum ad Regium fiscum devolutis divi-
 tijs, Rex nihil accepit, erogatis omnibus in Catho-
 licæ augmentum Religionis. Sapientiam Sapien-

tissimus ipse in delicijs habuit , nec passus est aut
Musis Gymnasia deesse , aut Gymnasijs adolescentes
illis regiâ magnificentiâ ubique ædes dicavit :
horum ephebea quàm plurima ad commoditatem
omnem & dignitatem fundavit. Religione præ-
stantium virorum familias in restituenda còllapsa
pietate laborantes complexus est omnes , & fovit
peramanter. Eo in numero, innumeris devincta
Ferdinando beneficijs, Societas Jesu, à tanto Im-
peratore se positam , ac habitam gloriatur. A
Ferdinando præclarè gesta referre si velim , gesta
omnia referre necesse habeo. Nihil ab illo non
gestum præclarissimè. Paucissimis plurima com-
plectar. Ferdinandus Cæsar , Christiani Impera-
toris imago erat , in quâ si quid aliquis desideret,
illud non Ferdinando , sed humanitati de-
fuisse fateatur.





FERDINANDUS III.
IMPERATOR
BOEMORUM REX XXII.



FERDINANDUS III.

IMPERATOR

BOEMORUM REX XXII.

L *Aurigeris redimita comis cum Pace venustas
 Ad Fernandez constitit aucta genas.
 Constitit, & placidâ tenerum depinxit Olivâ,
 Quâ crescente suus crescât, ut arbor, Honos.
 Justitiâ Pietas, & Lauro crevit Oliva;
 Tam fausto patrios omine servit agros!
 Fortunata Tuo Germania Principe! bello
 Auxiliante tibi; Pace favente tibi.*

Ferdinandus III. Ferdinandi Secundi Cæsaris, & Mariæ Annæ, Guilielmi Bavarix Ducis Filix, lectissimorum Conjugum, Filius, Græcij in Styria M. DC. VIII. natus, pulcherrimâ paternarum virtutum imitatione promeritam Hungariæ coronam, octavâ Decembris M. DC. XXV., Bohemiæ verò sceptrum septimo Kalend. Decemb: M. DC. XXVII. cœpit exornare. Literas, quas deinde in Regnum induxit triumphales, puer adhuc splendido teneri pectoris excepit hospitio. Eloquentiam Rege dignissimam, & verborum suavitate blandam, & rerum pondere gravem comparavit, quâ non minus animos, quàm corpora regeret. Naturæ arcana Philosophando subtiliùs inquisivit: felicia

enim noverat esse regna, quorum Reges philosophantur. Mathematicis disciplinis, Principi vel honorificis, vel necessarijs apprime imbutus, orbis, quem recturus erat, combibit notitiam, & in Geometriæ lineis victoriarum amplitudini prælusit. Jurisprudentiam eam fuit asssecutus, quâ & Cæsarum Leges sanctè interpretari, & novas ipse Cæsar sancire posset utiliter. Uno Verbo: Platonis votum implevit, & Comite Sapientiâ ivit ad solium: imò eadem Duce ivit in hostem. Datus à Cæsare Patre Dux exercitui, eodem, quo Sveci Saxonésq; Pragâ depulsi sunt, die, illustri Regiæ fortunæ exemplo, Ratisbonam eripuit hostibus. Pòst Nordlingam obsidione cingens, eâ Svecos clade affecit, quâ nocentior aliàs acceperere nunquam. Sic partâ victoriâ, unius ætatis labore, totam penè Germaniam in fidem Cæsaris, & suorum triumphorum messem pertraxit. Abiere Clementiæ præcones, qui Victoris in manus non sine mortis formidine venerant. Ità in beneficij partem cedebat, victum esse à Ferdinando, qui geminâ, tam veniæ, quàm belli, laureâ domabat hostes; quos, ut victis parceret, vincebat. Debitam tantis virtutibus Regis Romanorū dignitatem, concordiam omnium suffragio, Anno m. dc. xxxvi. indeptus Ratisbonæ, publicum paulò pòst, ex Augultissimi Patris funere, dolorem absterfit, quòd Successor Parentis Filius, non modò ditionum, sed virtutum
etiam

etiam Hæres, oneri, curisque Imperij pares humeros adferret. Omnis ars imperandi ei fuit Pietas, & Religio: PIETATE ET JUSTITIA, velut geminis trutinæ lancibus, DEI hominûmque causas ponderavit. Orthodoxam erga DEUM Religionem, quam suis in terris unice exoptavit, & auctam intellexit cum gaudio, in Indiarum etiam ac Sinarum Regnis promovere, missis muneribus, curavit. Pietati Austriacæ unus non sufficit orbis. Comiter gravis, & Imperatoriæ Majestati humanitatem privatam, & felicitati in cohonestanda virtute, severitatem in scelere vindicando pulcherrimè adjunxit. Titi, ac Ælij Adriani gloriam in munificentia æmulatus, nullam sinè beneficio diem transmisit; ægrè passus à se quidquam peti, obvia benignitate preces antevertere gestiit: nec sibi supplices accidere sustinuit; quòd se non aures in pedibus cum Aristippo, sed in corde gestare diceret. Cùm gravissimi hostes Imperio, Regnis, & Provincijs Ferdinandi grassarentur, sæpe fausta, sæpe infausta tulit belli alea. Eluxit hæc inter invictû robur animi, quem extra teli jactû posuerat, nec passus est aut secundis efferri, aut adversis prosterni. Sol idem est, & cùm nube tegitur, & cùm serenus irradiat. Unum ad felicitatis compendium deesse videbatur, ut qui Sapientiâ Christiani orbis erat Salomon, etiam Pacificus audiret. Hoc potuit Imperator optimus, ut Pacem rerum optimam orbi redde-

redderet. Hoc meruit Pius, qui inflicta Patriæ
vulnera Pacis olivâ sanare maluit, quàm victricibus
Palmis coronari. Hoc Justitiæ Ferdinandi debe-
batur, ut amicum à Pace ferret osculum. Cùm
sic Germaniæ reddidisset Germaniam, Regnis
omnibus cum Pace felicitatem, geminos Bohe-
miæ Reges, exoptatam Universitati Pragenſi Unio-
nem: animam DEO reddidit, nonôque &
quadragesimo ætatis anno abiit in Pace
ad Jubilæum.





FERDINANDUS IV.
BOEMORUM REX XXIII.



THE UNIVERSITY OF CHICAGO
LIBRARY

FERDINANDUS IV.

BOEMORUM REX XXIII.

Florida vernantes atas numeraverat annos;
Te, Fernande, foci, Te petit ara sibi.
Te tenerum Imperij jusserunt sumere pomum,
Tam citò, quod juveni mittitur, alter habet.
Vix roseis primi micuerunt vultibus ignes,
Grata DEO cecidit victima, PROQUE DEO.
Veris amor placidi sublatus flamine venti,
Suavis PRO POPULO & Numine factus odor.

Anus post millesimum, sexcentesium, tertius & trigessimus, Ferdinando Tertio, Bohemix, Hungariæque Regi, & Mariæ Regis Hispaniæ Sorori, Filium dedit primogenitum Ferdinandum IV.; qui Anno M. DC. XL. VI. Rex Bohemix, altero etiam Hungariæ inauguratus est. Con sanguineam Virtutem hausit cum lacte; non alienis imbibit exemplis. Pietas illum Augustissimi Patris docuit, quid PRO DEO: Justitia, quid PRO POPULO ageret. Mitiores Musas ita coluit, ut mitissimum decebat ingenium. Una Latij sermonis elegantia satis illi superq; Regnum Romanorum spondebat. Idiomatum cæterorum sic caluit proprietates, ut, quibus imperaret gentibus, verbis cujusque proprijs jura dictare posset. Illiberalis ratur, cui terrarum imperium commissum est,

ignorare, cujusmodi sit, cui imperet : occulta naturæ sagaci ingenio perscrutatus est; ac nè cœlo vivens Princeps ignoraret, quæ isthic gererentur, cœlorum, siderumque cursus clarissima mentis acie est contemplatus. Conjuncta Sapientiæ Virtus augustam in regio pectore sedem collocaverat. Edixit jam à teneris Ferdinandus, regnorum firmitermentum esse præclaram constantemque adversus DEUM Pietatem : cujus magnitudini sufficit esse Austriacam. Hæc ille, tanquam hæreditariâ, sic ferebatur in DEUM Eucharisticum, ut vel delatum ad ægros, quoties tinnitus æris moneret, supplex de genibus adoraret in palatio : vel Theophoriæ feriis, factus è Principe Comes, prælata face deduceret per Urbis compita. Tunc ardore Pietatis cum Solis urentis æstu certabat, omnesque æris injurias una Numinis præsentia serenabat. Stupuit è rheda defilientem, latenti sub Panis involucris DEO, lutulentâ humo Ferdinandum genua figere, Ratisbona, agnovitque in Augusta Domo etiamnum vivere Rudolphos, quibus Orbis Eucharisticus totius orbis imperium, non jam pariat, sed conservet. Ad proferendos castæ Religionis limites : limitaneum Swidnicij in Silesia posuit fidei propugnaculum, Societatis Jesu Collegium. Ad incrementum Clementiæ, vultûs benignitati addiderat natura suavitatem vocis, quâ supplicum ad se animos pertrahebat. Unus miserorum intuitus vultui Sere-

nilli-

nissimo tristitiam inducebat; una opem implorantibus opitulandi facultas lætitiā revehebat. DEUS est mortali juvare mortalem, dixit ille, & hæc ad æternam gloriam via. Virtus illius (ut olim Theodosij) meruit Imperium: sed virtuti addidit formam suffragium: quo pulchriorem visum nunquam fuisse Principem, omnes voce unâ testabantur. Maturas Imperio dotes attulit in adolescentia, quoddam contractiore discendi viâ, exemplis potius ad regnandi artes instructus esset, quàm præceptis. Augustos Romani Regis honores Augustæ Vindelicorum, Ratisbonæ coronam suscepit, M. DC. L. III. Sed hîc DEUS illum tantum terris ostendit. DEO si nente rapiuntur quidam celeri fato, nè amemus vitam; quam si in bonis accenseret Numen, justis non raperet. Sic Ferdinandus brevi Lauream cum Cupresso, theatrum cum feretro, fasces cum facibus commutavit. Pulcherrimi flores celerrimè decidunt; & quibus fidimus plurimum, primi rapiuntur. Et Ferdinandum Augustæ elegit Majus, Ratisbonæ coronavit Junius, Viennæ altero anno extinxit Julius, Sole atrato luxit Augustus, & siderum Princeps diminuto lumine, extinctum terræ Serenissimum Solem deploravit. Ipsius Terræ, dura licet, viscera commota sunt; & sublato, quo nitebatur, fundamento, intremuit orbis, ruiturus, nisi LEOPOLDUS Herculeos humeros supposuisset, & felicissimè sustentaret. Non satis perfectum

Quarto trinum fuit regnum; quartum petijt, quartum coronandus. Hoc unum, cum populi Septemtrionis vastarent Bohemiam, & vis Transilvaniæ diriperet Hungariam, perdere timebat, inquit: Toleranda est jactura; modò non perdamus Regnum cœlorum. Brevis tempore Rex, diu Imperator, sibi, dum vixit, imperavit. Unum sibi perpetuò constat virtutis imperium. Qui vixit sine macula, mori maluit, quàm maculas tolerare. Morbus ipse innocentium testatus est, quòd innocens moreretur; vixerat enim semper ut Angelus (quod nomen illi non tam Aula, quàm Virtus dederat) nisi quòd Majores mortalem genuissent; tandem ut homo vixit.







LEOBOLDUS
D. 1710
D. 1710

LEOPOLDUS I.

IMPERATOR

BOEMORUM REX XXIV.

I*nconstans duplici sinuatur cardine Cælum ,
Et vario varias aspicit ore plagas.*

*Non minor Iste polo ; major Tellure ; serenis
Terram oculis , placidâ sidera fronte beat.*

CONSILIUM Regale Orbes , **INDUSTRIA** Reges
Continet : hoc duplici cardine terra stetit.

CONSILIUM Australem , Borealem **INDUSTRIA**
fnem ;

Tu , LEOPOLDE , polum solus ntrumq ; regis.

QVo tempore Ratisbonæ , pro salute patriæ ,
reducendæ pacis consilia egit Ferdinandus
Tertius , Anno M. DC. XL ; in patriæ salutem
natus est Viennæ , non quidem natu , sed dotibus
maximus , nomine , & imperio **PRIMUS LEOPOLDUS**. Felicitatem secum traxit vix natus ,
non alijs communem , sed propriam , quâ Primus
ipse frueretur ; felicissimus , in quem tam citò Cœ-
lites , cum Primo , & Feliciano , conspirârunt. Quo-
rum luce Austriacum cœpit orbem illustrare , eo-
rumdem die octavo , anno ætatis bis octavo , Co-
ronæ Hungariæ pro gemma caput inseruit. Sic
summæ , in Regno Hungariæ , **LEOPOLDI** fe-
licita-

licitati prælusum est. Bohemiæ Sceptrum, M. DC. LVI. cum Exaltatæ Crucis memoria suscepit, simul signum, in quo vinceret, novus accepit Constantinus. Nec sine eventu: cum è Bohemia in Austriam reduci, clade affectos in Croatia Turcas, Fama verax nuntiavit. Ut nihil eorum ignoraret, quæ aut in pace, aut in bello, sive ad Regem, sive ad privatum pertinerent, ingenium illustre altioribus studijs dedit; noverat enim illud Justiniani: Imperatoriam Majestatem non solum armis decoratam, sed etiam legibus decet esse armatam. Erepto ex humanis Augustissimo Cæsare Ferdinando, erant, qui simul Austriacam concidisse gloriam, vel crederent, vel sperarent: sed LEOPOLDUM hi non noverant: cui velox Virtus, ætatis morâ non retardata, orbi ferendo humeros aptaverat. Quanta Virtus, fesso Atlanti tanto succollare! Primum Germanicorum Cæsarum completurus Jubilæum, omnium complexus est ornamenta. Generosæ arboris planta statim cum fructu est. Sarmatiam Septemtrio victor armis occupaverat; Urbes Regno, Regnum Regi propè ademerat; Cimbriacam Chersonesum Vandalus oppresserat; Princeps Daciæ se hostibus miscuerat; una rebus fessis fuit salus, Domûs Austriacæ columen LEOPOLDUS. Misit ad restringendum vicinæ incendium opitulatricem manum, & V. Idus Junias, natali suo die, hostem fudit primùm ad Cracoviam, non sine novo Divorum Primi & Feliciani auspicio. Daciæ
deinde

deinde Principem ad sua remisit; Cracoviam hoste
 vacuum suo paulò post Regi restituit. Olim Cro-
 co Bohemorum Duci secundo, quòd fluctuantem
 Poloniæ statum feliciter composuisset, in accepti
 beneficij monumentum, urbem, quã extruebant,
 ejus ex nomine dixere Crocoviam. quantum
 nunc debent LEOPOLDO PRIMO, qui Po-
 loniæ Cracoviam, imò Poloniæ Poloniam reddi-
 dit! Hæc est Austriacorum gloriosa ambitio, ere-
 pta hostibus regna, suis armis legitimo Principi vin-
 dicare. Sic & Daniam Regi suo asseruit LEO-
 POLDUS, dignissimus orbis imperio; qui si-
 mul regnare, simul regnis Reges restituere cœpit.
 Apertâ igitur (frustra obices ponente invidiâ) &
 regiâ viâ pervenit ad Imperij diadema; &, quæ pri-
 dem Virtus collegerat, concordia Electorum tulit
 suffragia, M. DC. L. VIII. Dignissimus est, ut imperet,
 cui Virtus propria calculum adiecit. Noverat jam
 Cæsarem lætus Occidens: ut Oriens quoq; nôset,
 in citeriorem excurrit Pannoniam, percurrit Mora-
 viam, vicinam quoq; lustraturus Austriam. Ma-
 gnanimi Leones ad nullius occursum pavent. Qui
 exteris nuper regnis tranquillitatem impertierat,
 à summo Regum Numine pacem suis, & socia Cæ-
 litum arma impetravit. Cæsar DEO cordi est,
 cui cordi DEUS est. Iverunt in prælium pro LEO-
 POLDO Divi, & expugnatâ Nitriâ, receptâ Le-
 vâ, inde profligato Moldaviæ Principe, fuscum rur-
 sus Turciæ Tyrannum ad S. Gothardum Cæsi-

herbam porrigere , & pacis olivam poscere coe-
runt. Magnos magna Virtus nata est adversarios.
Excitavit in LEOPOLDUM Orcus novos hostes,
tantò nocentiores , quantò tectiores : quorum te-
meritatem CONSILIO , machinationes INDU-
STRIA, perfidiam CLEMENTIA vicit. Plura de
his nè dicam, mitissima, quam rei pro theatris abun-
de commendârunt , jubet Principis CLEMEN-
TIA, quæ hostium non vult meminisse. Vivit jam
felix, cujus Potentiam moderationi, studio Pacis For-
titudinem , Majestati Gratias, Prudentiæ Libera-
litate, CONSILIO INDUSTRIAM junctam or-
bis admiratur. Religio abolitam Hebræorum super-
stitionem , & reddita Ecclesiæ templâ letatur. O-
ptavit sanguinem dare Ferdinandus Tertius , ut
Hungariam cernere conversam liceret ; dedit san-
guinem , cum dedit LEOPOLDUM , cui Fides
trophæa statuit DE HUNGARIA RESTITU-
TA. Applaudet Tanto Principi, fidelis Bohemia!
Principum Tuorum Sexagesimus Primus , novam
tibi spondet seriem Principum Austriacorum : tu
illi vove Vitam , Felicitatem.

*PRAGÆ, Typis Universitatis Carolo-Ferdinandæ, in
Collegio Societatis JESU, ad S. Clementem, Anno 1673.*

1968

R. SAL
RESI-
Via Val Sannaz,
Tel. 055.8.86

